

陶廬雜憶



天津市人民图书馆

藏书图记

陶  
廬  
雜  
憶



江陰金氏  
刊於廣州

267233

天津市人民图书馆  
藏书图记

# 一江山入 蛭屈圖

光緒戊戌仲秋陽湖汪洵篆



一  
年  
出  
小  
象  
戊  
戌  
秋  
日



敘

夫閒雲莽漾拂巖岫而知歸倦羽迴翔望林樾而生戀  
三秋禿鬢宦味易諧一夕微霜鄉思陡起此東坡有江  
水之誓淵明動田園之興也漉生同轉仗劍萬里嗜書  
卅年客況之奇寓諸鴻爪詩篇之富昇在牛腰茲以陶  
廬雜憶續詠百首見眎爲欒城之後集樊川之外編悵  
悵述懷不自禁其情之宕往也當夫乍別吳邦言游粵  
海逐漫浪之吏號風波之民海氣方腥聞鼓鼙之新警

陶廬雜憶續詠

敘

酒痕猶靨續車馬之餘歡雖前度劉郎桃花無恙而思  
家張翰萼菜已肥於是倦念履綦結想琴酌託吟蛩絮  
感爲饑鶴料糧伯玉山中如見其志成連海上能移我  
情因憶夫北垞舊居西園雅集魚婢十尾儘供加餐木  
奴千頭堪隨小隱遲友則拏舟留約賽神而伐鼓有詞  
敘鄉表之音容助夜窗之吟諷此則孝侯風土紀蛟潭  
之異跡汝南人物傳牛醫而鮮慙者已嗟乎惆悵天涯  
易瘁輪蹄之路往苒晚齒偏堅泉石之心今日者故廬

巍然初衣著上漁樵暱近兒時之游釣可尋杖履逍遙  
故里之枌榆盡識樂大天士張筠地僊以君方之無多  
讓焉僕塵纓久紕息壤未謀慨種秫於何年抱劓苓之  
虛願所幸芙蓉繞郭小領仙鄉蘿薜當門夙通幽贊論  
正始元嘉之派訪清泉白石之蹤循覽篇章彌深貯頤  
圖僑畫札感君重伯珍之交後佩前萇貺我以龍邱之  
引戊戌季秋合江李超瓊惕夫謹識

陶廬雜憶續詠

敘

二

序

淮丈通儒也非僅詩人也余弱冠前得丈所著粟香隨筆歎爲漁洋蒲褐之嗣音厥後識丈於里門盡得讀所刻藁書並所自著書始有以窺其用心之所在蓋摺摭殘佚有存亡繼絕之功而見聞開雅門徑較寬厥功彌溥儒林文苑間殆不拘一格自居矣所刻陶廬雜憶百首已入藁書中今續詠百首將付剞劂余惟詩人之詩陶寫性靈流連景物之辭爲多通儒爲之必有關係於

陶廬雜憶續詠

敘

三

風土人情之大婉而諷隱而顯可以被管絃可以登輶軒是爲詩之第一義至于頌 皇仁述祖德徵文獻表忠孝皆詩教中犖犖大者今二百首中一展卷間釐然畢具若夫屬比詞旨溫雅多文是又丈之能事俾所紀述者託焉以傳而非獨自傳其詩者也余慮世之讀丈此詩者等諸竹枝櫂歌之列故論著之丈以詩鳴海內所著芙蓉江上草堂詩稿若干卷顧不卽付梓丈固無詩人之見存也光緒二十五年十月陽湖張鶴齡校圖

敘

鼠年鵙月豺邑龍野蕭斧螳拒箒火狐鳴金虺墮空赤  
霄幻埜騶纘乾寓机隍坤維熒惑入斗子規啼血黔首  
莘莘倚柱而歎里閭故人投我新詩高唱遏雲清恩滌  
漢天吳顛倒火敦沮如攝光扼響稍澹哀怨番禹舊尹  
日禪後裔研索寒暑鉤稽稻繩揚舡贛江躡屩粵嶺醞  
釀春華鎔鑄秋心江山助之胸次可想手義捧檄王尊  
叱馭干將莫邪銳不可當巖二千石嘯歌不廢留憤而

陶廬雜憶續錄

序

一

去騶鸞以嬉羈旅關河陰隔桑梓釣游舊事歷歷不忘  
雜憶百首於焉託始西山拄笏秋風拂衣迴帆江城尋  
盟憶壘考訂故實周旋朋舊黃花剝蟹紅樹賣鱸雜憶  
續成數篇二百嗟嗟輕去鄉里昔人所訶雲溪樂府鴛  
湖權歌遠徵祖德詳敘風俗引商刻羽絃絲吹竹君之  
生朝與漁洋同今逢閏八曲獻三終寰海鯽濤田家雞  
黍安樂一鷓乾淨片土竹杖芒鞋我與君偕荒邱弔古  
寥天放懷普同笙磬報慚瓊玖弁言何人申浦繆叟



題識

澠生同轉旣以入粵以前詩二卷見示爲摘入拙著識  
月軒詩話矣近復出示陶廬雜憶七絕一百首蓋粵游  
數年所著益富此其詩中一卷自爲條注以寄鄉關之  
思者紀門風敘里俗以至舊聞佚事皆歌詠而長言之  
纏綿悱惻泯泯移人可見其性情之篤襟懷之曠焉嶺  
南多佳山水得君潤飾一切民物政教得君數陳而整  
理之粵之幸也僕雖老尤樂得而觀之光緒六年庚辰

陶廬雜憶

題識

一

十二月番禺陳澧蘭甫

余昔往來晉陵嘗慨慕其山水之清淑人物之豪雋固  
大江以南一奧區也金君澠生以所著陶廬雜憶詩見  
示宦游異鄉睠懷故里凡山川人物由其鄉以及郡邑  
皆備詠之情韻雙美紀載翔實余受而讀之益歎當日  
往來是邦所聞所見多有未盡者余與君同宦吳越唱  
和贈答嘗超然塵俗之外他日並返初服浮游三吳煙  
水間訪君於姬山之南必更有新詩可以共賞者此卷

特嚆矢焉耳旣以鄙意分首加墨復識其傾倒如此光緒癸未仲夏祥符周星譽昀叔

昔竹垞翁成鴛鴦湖權歌而後談橋李之勝者不僅舉煙雨樓蓋山川風土之美非此邦文士表彰之則亦無以顯於世況民俗物產勝蹟佚事尤有甚焉者乎金滄生同轉陶廬雜憶詩每篇詳註事實述德誦芬思古懷舊由一鄉推之郡邑紀事而以韻語出之或以清雄或以典雅各擅其勝粲乎可觀君近著粟香隨筆三續其書凡數十卷余爲序之蓋博聞多識談藝題襟更有擴而大之者而卽此一編已足嗣響權歌矣故復樂識其緣起云光緒丁亥仲夏山陰汪琰英生

陶廬雜憶

題識

二

陶廬雜詠題辭

番禺汪兆鏞憬吾

一編田園雜興詩脫略簪組追皇義魚浜鳴蕩有畫理  
燕筍梅鰕供酒卮陽羨由來美風土彭澤歸去傳歌辭  
不知木蘭花底坐可憶珠江明月時

金匱華世芳若溪

三十三山舊草廬出山人憶在由居從頭細讀善長注  
此是延陵括地書

陶廬雜詠

題辭

南通州顧曾沐滌香

樂府新聲操土風高吟響遏莫雲空君山蔥鬱澄江淨  
都入旗亭曲謔中

嶺嶠趨車宦蹟多春陵舊事費搜羅

先生刻有一篇桂  
冰井圖

海虞衡志未抵鴛湖百榷歌

揮灑煙雲手不停筆花傳出草堂靈好將元亮歸田詠

便築遺山野史亭

先生刻表忠錄紀宋劉公師勇  
事此集亦庸闡微志幽之意

十載交期託水心西湖風月慣聯吟低頭數出稽留叟

大海琴聲何處尋

沐因葉君樹之始見先生大著恆以未得晤面爲憾

鄭虔堂上舞衣斑愧我陳辭太等閒手疊花箋鈔藥去

姬山中亦有倉山

沐爲禮雲作壽言承先生謬賞鈔藁而去

繆叟辭壇老斲輪西銘著述亦超塵與君大集均千古

有道文章交有神

卷首有繆筱珊張筱浦兩太史序

江陰王潤生慰三

廿年宦轍滯天涯三十三山望眼揩耆舊傳兼風土記

一齊組織入詩牌

陶廬雜詠

題辭

二

菊籬松逕未全蕪不待秋風宦興孤蠶豆鮭魚齊入饌

算來歸計勝菘鱸

海上風雲變幻頻琴書護惜勸游身赤溪治譜分明在

多恐回頭記不真

鄉邦文獻塵埋久重向陶廬筆下生百首新詩事千古

名山端不負心盟

陶廬雜憶

江陰 金武祥 滄生

陶廬雜憶一百首卽自題一斤山人村居圖

余家居大岸嘗折其字自號一斤山人光緒庚辰宦粵囑秦逸芬齏尹爲繪村居圖以寄鄉思是年監齏清遠峽口踰商巖於素秋動懷舊之蓄念凡某水某邱兒時之所登眺此都此邑戚邨之所往還與夫天時地輿古蹟物產觸類起

陶廬雜憶

一

興因事莩陳操土風於竹枝寄鄉心於蕪菜合詠百首用寫寸心嗟乎嶺外吟梅江干憶柳尺幅千里聊當卧遊昔靖節詩云衆鳥欣有託吾亦愛吾廬悠悠斯情古今均感爰取其意署曰陶廬雜憶遂初未賦薄宦猶羈歸去來兮此爲息壤

招隱聊憑尺幅圖祇慚浪迹遍江湖舊時鷗鷺應相憶

泳鯉橋頭一釣徒

橋在村南余舊有泳鯉橋頭一釣徒小印

周昉叔都轉星譽云初白有笠簪  
蓑袂平生夢之句此詩堪以嗣響

故家喬木半滄桑耕讀還開舊草堂最喜 椿庭常嬰

鑠白頭猶爲課孫忙

辛未歲重建草堂甲戌仲夏 家君自湘中歸於庭

隙雜蒔花木春秋佳日觴詠其中復課孫輩讀書以

自娛今年屆古稀矣

陳爾甫京卿澧云陟岵興嗟每苦行役  
首憶天倫之樂望雲愛日情見乎詞

陶廬雜憶

一一

連天風雪記歸途曾與寒梅伴鶴雛料得此時倚虛幌

梅花丰格雪肌膚

壬申臘月自石溪夜歸滿天風雪行玉樓銀海中婦

蔣方哺兒篝燈以待時庭前黃梅盛開芳香襲人瓊

瑤一白復圍爐煮酒以賞之此境殊清絕也

汪英生司馬琬云老杜  
鄜州望月無此神韻

二百餘年手澤多誦芬述德廣搜羅斯文自有精靈在

歷劫居然幸不磨

吾家入 國初以來先集甚夥庚申之亂悉燬武祥  
甲戌年里居搜輯自 五世祖以次制藝凡四十七  
篇付梓各附跋語如小傳名曰江陰金氏文階 望椒  
薛慰農觀察序之以宜興儲氏金壇王氏桐城方氏  
爲况

陳云承贈 先集曾賦詩爲謝有云世傳儒雅有  
家集我得拜嘉還什襲沾丐膏馥同所欣幸云

並世都推月旦評橫經受業總成名當年老屋如槐市  
立雪翻傳有二程

陶廬雜憶

三

五世祖綱軒先生諱映日以耆儒宿學教授鄉里遠  
近來學羔雁成羣江陰縣志儒林傳常引先生之言  
以爲重季申耆太史武陽合志程景傳傳云年甫冠  
卽偕兄景伊遊學於金綱軒先生之門學日益進蓋  
一時名臣碩彥多爲所造就云

陳云王蘭泉司寇言程文恭公服膺  
濂洛五子之學讀此知淵源有自

林居每切安懷志耄老猶持邃密功八十二年巖屋漏  
此中猶有且明通

高祖敬齋先生諱鑑以舉人舉鴻詞舉經學官刑部主事年五十二乞養歸八十二歲卒於里第首二句爲門人蔣太守熊昌所呈聯語後二句則易贊前一日口占也

陳云此仿集句體尤覺渾成

一編記載古猶今梨棗重繙播藝林甌北北江題句在書成早識揀時心

先曾祖珩堂先生諱捧闔著有守一齋客窗筆記意陶廬雜憶

四

主勸戒趙甌北先生題云稗乘紛紛各逞才壞人心合付秦灰輸君巧用齊諧體行出儒家語錄來洪北江先生題云瓠巴鼓瑟伯牙琴絃外泠泠得賞音不譜恢奇譜滄行就中猶識揀時心庚申亂後板燬同治壬申 家君於長沙重刊之

周云小說家言有唐宋二派今時盛行者聊齋誌異近唐閻微草堂近宋讀守一齋筆記意主勸戒有裨世教當與唐宋小說並傳

親傳祖硯重璠璣遺像猶存寶燼餘昔日童孫今老大



還來補讀少年書

先祖一士先生諱諤著述甚富亂後餘詩文二卷

家君梓於長沙名曰篤慎堂燼餘稿晚年所繪補讀

少年書圖小照避亂攜之以行又所用硯一昔以攜

赴鄉會試者今猶寶之

周云馮子良太守題燼餘稿詩云到公有遺文毋乃貽厥力讀此益知家學至敘述事實尤能以侔儻出之良由筆妙

碩德耆年衆共推不嫌說法一登臺聚觀到處借童叟

陶廬雜憶

五

親見頑愚感化來

先祖家居好談因果謂卽儒者吉凶影響之說而淺

近易明足爲下乘人說法同邑鄭守庭解元積學好

善每造廬請謁 先祖樂得同志常與親詣各鄉宣

講鄉約武祥童年每隨衆往觀竊見男婦環聽多感

泣者

馬口崇祠卜世昌支分尤喜永蒸嘗歐蘇作譜前規在

何日重編忠孝堂

大宗祠在馬口村劉文定公綸題額云忠孝堂大岸  
支祠燬於兵燹旋經集貲重建 家君後復獨營前  
厝兩楹金氏宗譜自 先祖重修後迄今三十餘年  
矣

咫尺南秋土一坏松楸鬱鬱氣佳哉更從舒嘯橋邊過  
瑤岸錢村上冢來

南秋有 六世祖孝子宣揚公及 五世祖綱軒公  
塋爲一區在村西里許錢家村則 高祖敬齋公

陶廬雜憶

六

曾祖玠堂公塋爲一區瑤岸村則 祖父一士公塋  
吾母 謝太淑人卽葬穆穴此二區均在村東北二  
三里之遙

注云二首祠堂邱墓  
語簡而賅不嫌質樸

春歸三月感韶華細譜羣芳興自賒姹紫嫣紅開遍了  
幽香纔放木蘭花

木蘭四月開花藍瓣白心如蘭而小香亦清幽昔  
先慈自崑山親串家移植高已逾丈亂後竟萎根間

復苗小株分栽數處枝幹如大木而花如香草城邑園圃中無此種也舊曾有齋額曰木蘭書屋

周云漁洋詩中偶用雨絲風片四字論者病之南北曲語究不宜入詩然佳句自不可沒

榴花照眼近階墀上溯高曾手植時百子相傳留五世朱房紅萼總孫枝

廳事前有石榴老幹或朽則根株復茁相傳將二百年

陳云古人憶園中草木類多拳拳况先人手植歷劫無恙耶

陶廬雜憶

七

羣花應喜主人來小築幽棲認舊栽更憶上樑新得句落成時節牡丹開

齋前花木經亂尙盛辛未三月於舊基築室數楹有落成時節牡丹開之句

小山招隱久留人偃蹇盤根三十春明月一輪香萬斛本來金粟是前身

庭前丹桂一株三十年前所植古香高韻蔚然喬柯余生於八月嘗自號粟香并以名吾室云

汪云自在流  
行如悟禪悅

拈題卽景韻都諧老輩風流子弟佳三十年來人事改  
更無雅集鬪詩牌

童年游藝 先祖命製詩牌以竹牌紙牌爲之仍用  
一百二十八張多或三百張每張以兩字分書兩頭  
每百張空白十張得者可隨定一字俾易貫串成篇  
家庭閒暇及賓朋宴集常戲爲之

幾度輕裝遠道齋商量肴榼愜分攜儻行千里宜乾脯  
陶廬雜憶

更有盈筐炙子鱻

余家舊製乾肉名千里脯又江城產子鱻出於初夏  
體瘦而子滿腹薹炙味尤美

水土清腴物產滋老饗尤喜酒盈卮金臍玉爪誇風味  
怡值秋高賞菊時

吾鄉蟹有玉爪金臍之名蓋水土旣清蟹甲瑩澈飽  
食秣稻膏黃尤充實也

由來友助重鄉鄰何事公庭訟屈伸漫慮風詩歌雀鼠

可知周禮有調人

各鎮有董事以生監耆老爲之鄉里有爭多賴排解  
亦古調人之義

汪云此亦有流弊祝  
各邑之風俗何如耳

春露秋霜感愴頻家家墓祭趁良辰紙灰飛徧棠梨樹  
舍奠先來禮土神

暮春初冬擇日祭墓必另設酒脯祀土神檀弓云以  
几筵舍奠於墓左正義云置於墓左禮地神也言以

陶廬雜憶

九

父母形體所託故禮其地神以安之也

汪云古無墓祭檀弓舍奠  
乃初窆時事今借用之

男婦辛勤總力田出疆負耒自年年只愁來去渾無定  
泛宅浮家一艗船

江南亂後垂二十年田多未墾時有江北客民挈家  
來佃百十爲羣所乘艗船以席爲篷長止二丈許

直北平原驛路通迤南陂蕩水空濛北高南下防乾澇  
且喜村居在適中

大岸之北地勢漸高賢莊黃土爲馬路額設郵鋪西  
通武進大岸以南皆陂蕩常有水患

更向龍經論地靈村前極望總青青四圍剛合周天度  
潭水澄澄是七星

村南蕩田平曠計三百六十畝有潭七大者曰蒲荇  
溝次曰蔣家潭曰洞弓池曰象皮潭曰黃泥潭曰水  
桶潭曰楊家潭所謂陂澤以資灌溉者也

碧水瀠洞綠樹連新秧尖岸已芊芊形家愛說田如筆

陶廬雜憶

十

世澤誰知硯是田

村旁尖岸田其尖如筆形家謂主科名

汪云常語翻  
新便成雅趣

桃花環港遠通渠新漲初生正雨餘好是月明風靜夜  
石橋西畔網銀魚

村西有河石橋跨之水極清澈常產銀魚此河通桃

花環港二江口惟潮遠不至耳

周云與漁洋好是日斜風定後  
半江紅樹賣鱸魚一聯孰優

青青折得綠楊枝  
插向街頭當酒旂  
舍北平原芳草遍  
春風正放紙鳶時

清明時競放紙鳶俗呼放鷓子  
迎風展線多在村後  
平原間

陳云直筆舒寫  
自覺逸致翩翩

耕織家家集眾材  
日中爲市廣場開  
清明難得晴無雨  
更向山門看劇來

姬山每歲於清明日交易農具各物謂之作節場并

陶廬雜憶

十一

醵錢演劇親朋往來盡一日之樂

無主桃花歷亂開  
且烹肥鰾佐新醅  
鄉園動植如相約  
新筍香時燕子來

竹園多筍以燕來時生者名燕筍最佳

池塘寂寂聞鳴蛙  
門巷陰陰數落花  
好雨乍晴新水漲  
黃梅時節漉梅蝦

蝦以梅雨時生者多子名梅蝦味尤勝

昨宵雷雨又朝霞  
采采紅蓮水一涯  
更愛連畦珍果熟

筠籃爭摘灑金瓜

村南蒲荇溝荷花頗盛白皮瓜遍有黃點名灑金瓜  
產大岸者尤甘美

餐蕉啖荔嶺南來鄉味回思笑口開此日懷歸誰止渴  
青圓先說織墩梅

周莊織墩產梅以青圓縮蒂者爲佳見縣志

汪云咏物產四首  
讀之令人菜頤

撒網鳴榔趁夕曛盈筐鱗尾漫論斤銀花雪片從頭數

陶廬雜憶

三

笑比陳平社肉分

環村渠潭春初醖錢購魚苗養之冬杪取魚分焉

巨口紅頭蝦虎鮮堆盤烏菜說金錢宦游也比菹鱸憶  
歲暮冬寒欲雪天

蝦虎長五六寸食蝦天寒以棉裹之無水亦活味甚  
鮮美金錢烏菜雪壓尤佳

汪云後二句  
空際傳神

瓜棚銷暑聽田歌蟹舍臨流得月多更喜登場成比櫛



稻香堆裏結冬窩

鄉間瓜田多縛篾爲棚守之迎風消暑晝夜可居秋  
末有蟹舍臨水待月亦頗幽勝冬初禾黍旣登場圃  
間各家守夜必就稻堆支架成窩謂之窩舍香軟而  
暖行窩息窩不是過也

周云圃瓢設于田塍此窩結干場  
圃較之瓜棚蟹舍別有一種風景

餞臘迎春闌管絃籌車同喜慶豐年比鄰昨夜分紅柬  
知是明朝作蜡筵

陶廬雜憶

三

蜡筵祭神必宴鄰里

汪云與春社醉歸  
詩俱見鄉鄰樂事

篳市人歸路向西沿溪斜上綠楊隄行行一片濃陰裏  
慣聽黃鶯不住啼

至篳村沽酒或市鮭菜必經長隄由東而西舊檀楊  
柳綠陰披拂如行畫圖

周云清機一往深得宋人三昧若  
在他人集中便是絕妙好詞矣

橋下龜魚識履聲寒潭遙指訂鷗盟他年小築臨流住

買得腴田自課耕

過村東木橋爲蔣家潭潭側有洲畝許三面皆水擬  
結屋構亭其上爲課耕之所

汪云君言擬闢東臬  
草堂其卽此屋耶

扁舟如葉泛清溪容與中流記箭泥划到青魚浜裏去  
小橋穿過不嫌低

青魚浜爲南橫河支流由黃宕橋西北行曲折出桃  
花港計五六里中多木朽石砥頗礙舟行惟鄉間箒

陶廬雜憶

西

泥船往來頗便所謂野航恰受兩三人也

周云鄉間支流曲港纏絡町墟泛舟其間極有幽趣  
拙詞舊有板橋低亞不通船之句與此詩同一寫景  
而各有其妙

黃宕橋邊野草荒楊西岸口幾斜陽不知何處秋聲館  
露白葭蒼水一方

黃宕橋北有蘆灘名楊西岸秋末冬初蘆雪一白此  
中有人溯洄從之矣

周云備  
然自遠

奇兵救鮑出天堂此老行軍銳莫當萬衆更生圍頓解  
果然一戰有南陽

胡文忠集致葉介唐函云金逸亭觀察一軍爲湘軍  
之最強者破寶慶二十萬賊卽此十餘營之力又致  
糧台書以爲若有緊要軍謀無以易此老云云咸豐  
庚申正月小池驛之戰文忠疊次飛函急救鮑超遂  
潛師出天堂山大破賊衆及同治壬戌任襄陽道時  
南陽府爲賊所困甚危兄越境馳援賊解圍遁民慶

陶廬雜憶

五

更生

周云近時何子貞太史金陵雜詠七絕言曾氏戰  
功數首有此雄偉不朽之業固應以健筆寫之

湖西小隱咏循陔網列珊瑚到玉臺記得良游鷗詠盛  
閒雲頻約過山來

同治四年逸亭兄以告養歸於宅旁築小園度所藏  
書畫余爲購玉臺名翰石刻嵌之壁間名其園曰石  
溪小圃顏廳事曰環川草堂嘗鐫小印三方曰小西  
湖上歸農曰姬山之陰以居近西小湖在姬山之北

也余居姬山之南兄時時置酒招飲余題聯云芙蓉  
江上占林泉解組歸來勝境喜開摩詰畫桃李園中  
宴花月飛觴歌詠良游愧乏惠連詩玉臺名翰者晉  
衛茂漪唐吳采鸞薛洪度宋胡惠齋張妙靜元管仲  
姬明葉瓊章柳如是凡八家爲構李徐蹇媛所藏手  
蹟宜興程氏句摹上石者也

百戰當年想壯圖嶺南素旆愴歸途環川此日重回首  
慟甚黃公舊酒罇

陶廬雜憶

夫

逸亭兄於己卯六月歿於粵臬任所年五十有八

東鄰申浦舊姻連著述今看後起賢握手燕臺各情話  
離鄉猶記廿年前

吾家與申浦繆氏自 國初至今累世姻婭不絕今  
秋坪茂才幼丞上舍均勤學勵行筱珊太史著述尤  
多去歲敘於都中過從頗洽筱珊自庚申避亂入蜀  
丙子成進士得館選亦久未回籍矣

宅相先推問字堂隕星佳兆應文昌梅花驛使傳消息

情重猶聞說涓陽

孫淵如觀察爲先曾祖玠堂先生從甥守一齋筆記載其初生時有夢墮星之異二筆數卷卽嘉慶戊午歲在其兗州巡署所成自序有云情重涓陽久畱沈郡贈詞中又有梅花消息之語先祖一士先生亦爲觀察所推重

東灣西灣羅野灣萬緣橋北孟河寬外家紀聞不更作常憶高風謝子蘭

陶廬雜憶

七

羅野灣南村謝氏余外家也幼時常隨先母至外家就傅水路須經奔牛過萬緣橋入孟瀆河將六十里

汪云有古竹枝詞之意

輾轉西行卅里餘新橋楊壩幾停車傷心少小能將母猶得田園侍板輿

陸路赴羅灣經小新橋楊柳壩止三十里可達

南村就傅尙童孩慈母歸甯憶幾回嗚咽牽衣嘗廢

讀一聲怕聽大林來

髻齡就傅南村家中嘗遣鄰佃蔣大林偕婢僕來接  
余恐 母獨歸每哭泣廢讀同塾常以大林來給之

汪云二首如讀春暉寸草  
之詩至性至情凄然欲絕

廉吏誰云不可爲三畱遺澤至今思我來春及堂前過  
快讀青山一卷詩

外高祖耕子先生諱聘乾隆三十一年進士以知縣  
官河南署武安補鎮平調固始又署祥符許州鄧州

陶廬雜憶

文

終鄭州知州其居固始許州尤見思而任固始最久  
三以事去官民三畱之遂爲祠祀公號三畱堂同治  
中數燬於盜民輒復之子孫世居羅壘灣科第仕宦  
亦盛嘗與趙甌北洪稚存諸先生唱和所遺惟春及  
堂詩數十首皆咏青山莊遺蹟者春及堂至今猶存  
周云循吏而無文學往往  
湮沒著述流傳自不可少

弱稚相親十載多長同患難歷兵戈風塵久別垂垂老  
入洛聲華近若何

謝念我外兄亂後隸河南諸生籍居杞縣

外黃入贅憶丁年八邑棠陰治譜傳  
淒絕從今具雞酒  
歲時來拜墓門烟

外舅黃素庵先生諱曾慰歷宰安嶽之建德望江繁  
昌貴池江西之武甯石城瑞金等邑同治壬戌任會  
昌縣余往贅焉時賓僚極盛有湘江探梅唱和詩詞  
兩卷內子和金縷曲韻有云官閣賓僚詩興動愛比  
甘棠萬樹云云叢瀛石觀察詩有娘子軍偏出岳家

陶廬雜憶

九

青絲步障詠梅花之句蓋爾時外姑沈宜人亦有詩  
詞屬和也今外舅與外姑合筵於南秋村北離余家  
祇里許

月城小隱想襟期一卷吟秋絕妙詞他日歸田訪三徑  
高風先咏菊花詩

妻叔蔣季蓮學博久居月城著有吟秋詩稿咏野菊  
云莫厭草茅風味淡寄人籬下又何如可以想其懷

抱

清溪水淺未通潮  
庵近黃梅愛寂寥  
可以東屯觀刈稻  
菜香別墅菜花橋

余家有別業在月城  
名菜香別墅旁有菜花橋小溪  
通焉黃梅庵在別墅東百餘步

里塾紛羅不厭譁  
毛詩戴禮尙爭誇  
不堪亂後歸來燕  
難覓當年王謝家

簞村毛氏南秋戴氏常出爲里塾師  
西村王氏東鄰  
謝氏亦多能文之士  
亂後竟無子遺

陶廬雜憶

辛

小西湖上董帷開  
鴻鴈年年去復回  
話到六郎同一笑  
珠江得月不歸來

謂西小湖董六

州守風流憶往時  
滇南舊澤尙畱遺  
瑣言蟬史今傳遍  
零落文魚紅藥詩

屠笏巖刺史名紳居西貫與大岸前後相望 先曾

祖筆記中有屠氏善報一條滇人師君荔屏刻鶚亭  
詩話敘述遺愛甚詳其六合內外瑣言二十卷蟬史



二十卷近年上海以洋版印行流傳頗廣洪北江詩話云屠州守紳詩如蓄沼文魚栽盆紅藥庚申亂後詩集殊罕觀也

藝海珠塵粵雅堂經師著述未淪亡只今丁墅風流渺寂寞江村蘆荻荒

丁墅鎮鳳德降明經名韶有讀書瑣記刻於松江吳氏藝海珠塵中又鳳氏經說三卷刻於嶺南伍氏粵雅堂叢書中李申耆太史序云先生所居濱江村巷

陶廬雜憶

三

僻陋衆生徒謀精以活矻矻白首困而不戚年七十餘卒嘉慶十有六年也

休文高隱寄江鄉兩絕詩書老更蒼韻事傳聞佳句在白頭還擬拜門牆

石莊沈梓堂居士又丹工詩善書名重一時不求聞達年六十餘猶寄先祖詩有白頭還擬拜門牆之句余草時猶及見之

西郊絃誦課功勤廣廈初開正樂羣難得吾宗賢令尹

一尊風雨其論文

後梅鎮西郊書院爲亂後初建甲戌春初時值風雨  
家螺青邑侯吳瀾臨院開課尊酒淹留談讌竟夕

七雄建置溯源流百雉今餘土一邱咫尺荒村何處問  
夕陽衰草古城頭

寰宇記利城戰國時築一名石溪一統志利城鎮西  
南三里有子城基城濠遺址尙存按大岸村北半里  
許有村名城頭相傳卽其地云

陶廬雜憶

三

句吳陳迹總荒涼廟祀猶存攷訂詳記得童時矜捷足  
姬山高處作重陽

姬山相傳爲吳太子墓亂後重建神廟 家君作記  
極詳武祥作姬山考載縣志

一邱荒翠賸苔斑良覆居然象小山始信搜神千寶記  
有時金盃出人間

大岸村東五里有盃墩山高三丈許或云以形如覆  
盃故名實古墓也故老相傳墩內磁碗甚多土人有

吉凶大事須用多筮夜半奉香楮虔告若千詰且  
輒如數給之事過卽償一夜仍歸墩內明季有假而  
不歸者由是歇絕 先曾祖客窗筆記載其事

汪云比  
事精切

梅花祠宇訪春初十字碑存厯劫餘稽古鄉關推第一  
東周文字聖人書

申港季子墓有十字碑文曰烏乎有吳延陵君子之  
墓傳爲孔子所題亂後重建季子祠遍植梅花有園

陶廬雜憶

三

亭之勝訪古者因可小憩焉

汪云君言申港十字碑爲宋崇甯二年朱彥  
重刻本今見之歌詠固不必以考據見長

雲白山青好畫圖石門舊逕已模糊風塵誰具張華識  
惆悵干將鑄劍鑑

青山在葫橋鎮上有干將鑄劍鑑志稱內有石門又  
青山前有白雪菴

千年陵樹已全荒可有殘磚古道旁寂寞倉墩秋草遍  
不堪遺蹟問蕭梁

倉墩在後梅鎮相傳爲梁敬帝墓或呼蕭天子墓縣志云南史梁敬帝爲江陰王殂蕭季卿嗣太建二年陳侍中溥于量就季卿買梁陵中樹皆坐免則此墓之傳有自矣俗傳嘗有發之者得大花磚數十有巨蠶羣出螿人乃不敢發

陳云七雄以下五首咏懷古蹟  
詞意高渾百首中得此乃厚

皮陸相從共唱酬舜山高躅已千秋蒼茫烟水空河朔  
重泛當年五瀉舟

陶廬雜憶

五

吾邑在唐時魏不琢始以詩名隱居舜過山下與皮日休陸龜蒙相唱和浮游烟水間日休曾贈以釣船一載餼酒加以隱具由五瀉涇入震澤因謂之五瀉舟五瀉卽今高橋河俗稱白湯圩余己卯歲由都門旋里卽自無錫過高橋而行短舫中流高吟五觀舜山蒼翠正撲人眉宇也

不須贈帶感君恩濁酒黃雞其至尊直與嚴陵比高節  
白雲何處訪虞門

焦丙虞門入明太祖之故人也洪武初徵求甚急聞至金陵持雞酒從甬道入與太祖班坐飲如微時贈以金玉角三帶取角者授千戶無何挂帶於高橋門而去不知所之

汪云嚴子陵足加帝腹嘗以何子皙手持帝鬚爲對今得焦丙而三矣

蘆埼廢院渺雲烟螺化猶聞異蹟傳一樹長松一池水  
空山誰話鳥窠禪

秦望山麓蘆埼院爲唐鳥窠禪師所居師嘗止於大

陶廬雜憶

三

松之上因以鳥窠名之又買螺螄半截者放池內後所生螺螄皆半截舊有化螺亭今與院俱廢

陳云三首望古遙集神韻悠然較前六首又是一格

來春古港接江城鸚鵡堆邊夕照明愛買芙蓉新製好

葛衣涼襯竹衫輕

夏港在縣西十里傳爲夏禹所鑿故名舊爲來春鄉

縣志古蹟有鸚鵡堆在夏港鎮又縣志載竹汗衫截淡竹梢線穿成衫疏爽利汗輕細者佳出夏鎮卽他

處所稱芙蓉衫

喬柯銀杏未容攀遙指三峯秦履山擬向雲關最深處  
來尋靈朮驗朱斑

秦望山卽南徐州記所稱秦履山是也其峯分爲三  
上有銀杏一株極古余家村東南猶望見之縣志載  
山產蒼朮有朱斑

試尋利港橫丹口疏濬頻年農事諳憶得倉皇爭北渡  
不堪回首望江南

陶廬雜憶

三

利港卽越絕書所稱利浦宋知軍崔立濬以溉田同  
治十一年亦濬之橫丹河卽立埭河在其西庚申避  
亂北渡者吾鄉人多出此二港

陳云感慨  
自不可少

驚心怕見劫餘灰十鎮團丁事可哀倉卒西陲倡忠義  
如荼猶憶白巾來

庚申賊至常郡江陰之西十鎮皆裹白巾起義屢與  
賊拒勢卒不支被禍甚慘

周云咸豐庚申先文之兄宰常熟星譽供職京師恭  
閱邸鈔知先兄督率團勇克復江陰先兄旋攝常州  
守團首元昌等均保都司讀此知江陰西鄉之倡義  
當賊勢披猖猶能奮起擋拄各鄉聞風響應乘城斬  
敵屢著戰功洵無  
愧忠義之邦也

迢迢九里十三灣記向蓉城數往還曲折沿流風不定  
潮平但覺岸如山

水道赴邑城必由九里河迤邐而行凡十三灣東西  
無定不能張帆以潮水順逆爲遲速崖岸高陡如行

山峽中

陶廬雜憶

七

投轄殷勤數舉杯年年臘去又春回滿城簫鼓燈初試  
正好河豚入饌來

河豚魚出江中元宵時出者爲看燈魚余至邑城常  
主陳子懷太守家其家烹治此魚最美

此水自當兵十萬昔人曾有客三千春申遺蹟今猶在  
憑眺君山一惘然

君山以春申君得名爲一邑雄勝宋時有浮遠堂司  
法李珣撰柱聯云此水自當兵十萬昔人曾有客三

千南麓有春申君墓

江流入海尾閘長昔重江防今海防鷺鼻石灣形勢壯  
固應門戶鞏金湯

長江古稱天塹分南北者利於寬扼東西者利於狹  
江防與海防相表裏故每於狹處設礮臺以扼之江  
陰爲江海出入門戶近年於鷺鼻山及黃山之大小  
石灣造洋式礮臺頗擅形勢

閩陳祀典紀豐碑江上孤忠百世師第一士民能仗義  
陶廬雜憶

三

有誰重創戚公祠

道光時從伯子晉先生創建戚公祠燬於庚申之亂  
嘗謂明末守江城者人但知閩陳二公不知紳民之  
同心仗義奉二公以力持城守尤有足傳今二公祠  
已重建而戚公祠一片瓦礫爲之慨然

周云明史閩應元與侯峒曾合傳邑人殉節者如戚  
勳許用夏維新王華呂九韶王毓祺皆附傳而核之  
江上孤忠錄諸書同殉者且不可勝數  
也戚公舉家自焚祠未重建可爲深慨

尋碑碎確遍荒畦遺廟榛莽迹已迷凜凜前湖七娘子



尙畱詩喝表梧溪

江陰志云前湖在城東南隅南唐時何氏女避亂遇賊不屈自投於湖卽其處也舊爲巨浸築城後盡塞爲田僅成小沼人猶指爲湖云舊有前湖七娘子廟余在里時訪之廟已無存僅元王梧溪逢詩碑屹立不壞曾搨一紙藏之

周云表揚忠義  
貞烈固是詩史

杜康橋接劉伶巷附會還傳有墓田訪古何人能辨誤

陶廬雜憶

无

好雲樓集有詩篇

臨川李小湖大理任江蘇學政時有訪杜康劉伶二墓詩序云二墓在江陰城中又有杜康橋劉伶巷按選詩短歌行注引博物志云杜康作酒王著與杜康絕交書云康字仲甯或云黃帝時宰人號酒泉太守又說文帚字注古者少康初作箕帚酒少康杜康也葬長垣長垣漢陳畱郡今直隸大名府屬縣也晉書劉伶沛國人常爲建威參軍泰始初對策盛言無

爲之化時輩皆以高第得調伶獨以無用罷竟以毒  
終建威隋縣隸梁州武都郡今甘肅階州境也晉輿  
地志無此縣名其官莫考其葬地亦未聞然此二墓  
決爲拊會之誣或云橋乃杜康二婦捐造故名墓亦  
杜康二婦之墓後人誤爲作酒之杜康凡皆委巷臆  
談無可徵信云云大理有好雲樓集

汪云郡邑志乘拊會古蹟  
者不少安得一訂正之

鉅製先賢待表彰全書楊氏重縑細更從明代懷遺烈

陶廬雜憶

三

落落齋同從野堂

繆文貞公昌期從野堂稿八卷李忠毅公應昇落落  
齋稿十卷楊文定公名時楊氏全書二十六卷亂後

均罕傳本

陳云刻書固是雅事能以鄉先哲遺  
著刻之以廣流傳尤爲有裨風教

指揮幾度復爲軍沿革千秋證舊聞且喜炎興碑石在  
好從志乘補遺文

建炎二年紹興三十一年兩次復江陰軍指揮碑在

江陰縣署二門兩面刻分兩層皆額正書批答行書  
牒正書考江陰自南唐昇元中始建爲軍宋淳化元年廢軍爲縣屢廢屢復此碑爲知江陰軍陳鏞所刻碑文縣志未載孫淵如寰宇訪碑錄陸劭文金石續編均未著錄余近年里居始搨而傳之

陳云金石實有神於史學孫陸近在同郡此碑未見何也

古迹心經字最奇僧盧潑墨想淋漓更參五百阿羅漢  
難覓乾明宋代碑

陶廬雜憶

三

江陰觀音寺卽古乾明寺壁嵌草書心經石刻字極  
怪偉明孫克宏古今石刻碑帖目載之唐荆川有跋  
相傳異僧道松所書或卽以爲懷素所書又寺有紹  
興四年五百羅漢名號碑朱竹垞金石考孫淵如寰  
宇訪碑錄載之久燬於火庚申亂後成大利尊者側  
所藏初搨全文亦燬今惟嘉慶時縣令楊世綬補刻  
之石猶存

有時侵曉入蘭城十里烟波似鏡平待得愔愔催返棹

到門燈火已三更

郡城較邑城爲近一日往返極爲從容

注云赴郡城及赴邑城  
詩均清老不易到之境

大通南去魏家塘采紅菱泛野航笑指青巖思結屋  
一墩宛在水中央

由鄉至郡城經大通橋魏家塘紅菱蕩中有青巖墩  
四圍皆水人目爲小皇甫墩

小憩茅簷自品茶夕陽明滅映蘆花孝哉千古人無間

陶廬雜憶

三

猶指祠堂說閩家

關家村相傳爲閩子之裔建閩氏宗祠祠旁有茶室  
吾家由陸入郡適爲半道必墜茗小憩焉

青山門外青山莊卧雪餐霞滿目荒幾度滄桑滄浩劫  
更誰烟雨訪橫塘

郡城北門名青山門

寰宇記云青山門橋望  
江陰海門諸山故名

郊外有

青山莊爲前明吳氏所築有卧雪樓餐霞閣烟雨橫  
塘諸勝甌北先生有青山莊歌外高祖謝耕于先生

分題詠之余幼時經北郭猶慨想其勝亂後瓦礫荆  
榛益蕩焉泯焉矣

兼句鑼鼓正喧闐依舊昇平盛事傳最好白雲溪上望  
雲車纔過又龍船

郡城五月間爲雲車之戲鍛鐵曲折尋丈爲雙跗仰  
承童男女各一繒帛飾之下爲鐵兩當縛有力者胸  
背間負之以行金鼓隨之曰雲車其製始於隋司徒  
陳杲仁用以破賊者後遂以爲戲競渡龍舟亦郡城

陶廬雜憶

三

最盛白雲溪夾岸樓榭張燈命酒竟月乃罷

文昌星聚論隨園詩國毘陵派有源猶記妝臺續新詠  
儘誇家法兩當軒

隨園詩云常州星象聚文昌昔人又有毘陵自古稱  
詩國之句皆言吾郡詩人之多也亡室黃爲仲則先  
生從孫女閨中學詩亦以兩當軒爲法

周云龔定菴有常州高材篇合三詩觀  
之雍乾嘉道四朝常州名士大畧具矣

東第榛蕪慨劫塵湖山歷宦幾經春他年我訪西泠勝

正好憑君作主人

姊夫陸存陔通守爲祁生先生長嗣所居東第亂後  
已燬今官浙中

玉帶橋東第幾家春風同啜玉河茶使西誰似劉琨壯  
遠泛滄溟萬里槎

入郡城北門必經玉帶橋橋之東劉氏世居也西有  
玉河茶室常與劉開生觀察及其弟申孫太守允中  
別駕茶話於此今開生已出使英法矣

陶廬雜憶

壽

陳云氣  
渾詞雅

浩劫曾傳十八家名園今又感蟲沙竹林毅魄應無憾  
重過西州空歎嗟

郡城古村相傳元兵屠城時贖十八家故又名十八  
家村趙氏約園卽在其地庚申之亂園燬主人于岡  
先生舉家投池死其姪純甫大令亦死於公局今園  
旁建趙氏忠節祠余家與趙氏有連猶憶余幼時聞  
業許師於此園出入嘗見先生題贈詩畫有知己之

感今先生成仁取義固不必致慨於華屋山邱也  
二甫能文遇可哀詩禪無擇亦崔頹更憐老作諸侯客  
磊落誰如管子才

吾郡負才不遇有二甫謂周鈞甫吳瑟甫也錢榆庵  
晚好內典更號無擇管才叔老於幕府丙子余入粵  
與別於里門意氣猶不減昔時

江楚游蹤數往還一時妙手倩荆關瀟湘烟雨匡廬瀑  
都在蕭齋四壁間

陶廬雜憶

三五

余屢客江右戊辰省親長沙所至皆有圖常懸之  
屏幅以誌鴻雪

汪云一氣呵成自然安雅

邊胸東海千重碧放眼西山一片青  
入都舊句更盡大觀宮  
闕壯歸來說與草茅聽

去歲自粵航海入都由金鼇玉竦至西苑得仰

皇居之壯

勝蹟重新愛六朝時攜游屐訪金焦扁舟載得秦淮月

又到揚州廿四橋

久寓白下屢訪金焦之勝乙亥秋日自白下游揚州

周云金陵自六朝以來擅江山風月之勝隋堤烟柳  
吳苑鶯花亦昔所豔稱近年滬濱別開世界蜃樓海  
市亦足激宕豪情消磨英  
氣讀此數章爲之神往

百里蓉湖好放船聽松慣向石牀眠竹鑪更仿僧寮製

試煮人間第二泉

余家與無錫接壤距惠山不及百里

陶廬雜憶  
陳云余昔過惠山曾訪石牀搨聽松及題記讀之以  
爲聽松二字在政和甲午移石時所書與題記當出  
三

一手未必爲李陽水所書如陽水先有此篆題記中  
何無一語及之且陽水作篆何爲偏左豈逆知後人  
有題記耶宋人之筆自爲可傳不  
必託陽水以爲重附識以質高明

周云竹爐昉於明時僧人性海王舍人有圖流傳都  
下其題詠散見於西涯筆墩集中後圖歸顧梁汾與  
竹垞西溟有聯句詩亂後圖不可  
得竹爐當可更製爲惠泉生色也

多少樓臺閱古今豪華都費買山金卧雲立雪無遺蹟

寂寞誰尋獅子林

吳門園林如滄浪亭最古而雅網師園拙政園寒碧

山莊類多易主而修葺一新怡園爲顧氏亂後所枘



爭妍鬪麗各擅其勝惟獅子林頽廢已甚卧雲堂立  
雪堂均已無存奇石古松鮮有游賞者矣

海涌峯頭選勝遊千人石畔儘句留天然自有佳山水  
眞面從今認虎邱

虎邱一名海涌山單椒獨秀昔時列肆連屢塵俗殊  
甚因有假虎邱之稱庚申燬於兵燹轉覺耳目一清  
山靈之眞見矣

陳云吳門名勝可謂多矣所詠  
祇獅林虎阜固自別有襟抱

陶廬雜憶

三

壯觀遠集九萬里奇聞上闕五千年申江且莫談風月  
太息茫茫海變田

上海一隅爲地球各國萃集之所嗜奇驚遠及好治  
游者多寓於此

三十三山有居士三十六江來宦游如此江山商去住  
烟波浩蕩使人愁

江邑有名之山凡三十三余舊有小印曰家住三十  
三山西粵江匯水凡三十六阮文達於三水縣建樓

名三十六江樓

汪云高渾堅老  
是唐賢三昧

雲曾出岫鳥知還寫照傳神阿堵間同是卧游心跡異  
只應飛夢到家山

此日卧遊家山作詩以爲歸田之券余前由粵赴都  
有八千里路風波穩看盡東南海上山之句他日里  
居圖之未知能追憶舊游復成百篇否

汪云以圖起以圖  
結章法固應如是

陶廬雜憶

美

陶廬雜憶  
續詠

光緒二十四年  
毘陵千秋坊刊

題識

淮生同轉陶廬雜憶百詠已刊行矣今歲重至羊石以續詠見示格律之雄渾丰神之駘宕兼有其勝而考訂古蹟闡揚幽隱視前詩尙有過之至詠錢鎔徐兢及烈士侯數首尤爲有感而發東瀛事日棘矣讀此爲之三歎甲午六月旣望義烏朱一新容生

甲午歲余旣爲淮生同轉冰泉唱和集題詞二闕君復次韻爲報嗣以陶廬雜憶續詠見示述舊懷鄉纏綿往

陶廬雜憶續詠

題識

一

復感念時局託興深微而君冰心在抱無改在山之泉亦於此見焉夫詩以言情鄉里爲生長之所拳拳詠懷亦固其宜而君宦游粵中五羊入桂于役往來山川人物登眺延攬將二十年於茲他日初衣獲遂歸隱陶廬當又如石湖之志桂海東坡之不忘惠州吾知憶而成詠且與吾粵甘棠之頌同爲去後之思此亦情之不容已者豈僅余秋夢庵中有別離之感哉緣爲分首加墨而並誌之如此光緒二十一年八月番禺葉衍蘭蘭臺

桂老神交近廿年丙丁間詒賃廡吳門始獲把晤旋別  
去今秋重晤出陶廬雜憶續詠眎徵文攷獻巨細不遺  
屬比之工更不待言竹垞鸞湖權哥伽陵雙溪竹支庶  
幾鼎足昔桂老刻雜憶初詠先兄昀叔先生跋云他日  
並返初服浮游三吳必更有新詩可以其賞今此卷成  
而先兄墓木已拱雜誦再四旣服桂老之勤又悼先兄  
之不及見也撲筆愴然己亥八月祥符周星詒季況  
旅情鄉思信筆成詩不雕不琢自然妙解前編可采入

陶廬雜憶續詠

題識

二

地理志續編可采入風俗志書舊傳憶昔歲在都聞先  
生奉諱自粵歸倉卒租屋不得全家舟宿半月曾作絕  
句戲贈云歸計蕭條只載書故園十里沒荒蕪思光雅  
事君當記蹙可牽舟岸上居詩成未寄補錄附呈他日  
好事者談里門書舊逸事此亦君之雅故足備後生搜  
采者也己亥十月武進屠寄敬山

陶廬雜憶續詠

江陰 金武祥 淮生

陶廬雜憶續詠一百首

余庚辰宦粵成陶廬雜憶百詠以寄鄉關之思  
甲午歲再至羊石海氛方棘驚世變之滄桑時  
事日非慨人材於令僕側身天地回首邱園因  
續成一百首補前此所未及嗟乎駒光如駛鹿  
夢都訛厭倦風塵儻迷途其未遠因緣翰墨恍  
舊調之重彈詠歎長言固不計其詞之工拙也  
光緒二十年五月一斥山人自識於坡山古渡  
頭次舍

陶廬雜憶續詠

一

嶺南從宦憶江南鄉里重游處處語太息詩人何水部  
卜鄰真趣更誰談

何廉昉太守爲余芙蓉江上草堂詩稿序云紅羊劫  
過何時爲鄉里之游黃鶴歸來吾輩有山林之樂云  
云又贈余新居聯集蘇句云他日卜鄰先有約此間

真趣豈容談

葉蘭臺太史衍蘭云續憶名篇仍從陶廬發端引出真趣下鄰有願當以千萬買之

悟徹樨香愛此廬搜殘存佚愧鈔膏通儒也與援成例不辨叢書自著書

余齋中懸老友汪芙生書贈粟香室橫額並詩有萬篇陸務觀書成五筆洪容齋一聯蓋以余所撰粟香隨筆將續至五筆也余又輯刻叢書四十餘種搜殘存佚類多鄉先輩及先世遺稿並以邇年自著數

陶廬雜憶續詠

二

種靡入之近寄俞曲園太史審定覆書云誦清詠駿見家學之淵源考獻徵文示詞林之根柢鳳氏瑣記各種有裨經義江上孤忠諸錄足補史闕末附江陰藝文赤溪雜志皆自著書也楚詞章句附九思之篇玉臺新詠存孝穆之作古人固有此例矣譚仲脩大令爲作序有云要之綱羅而整齊之者可以坐作者於一堂可以通彼我於來世雖曰金氏自著書可也又云君自著書曰粟香隨筆固多題襟談藝跌宕文

史而徵文考獻亦與叢書本同末異云云

葉云粟香室題額在陶廬之前藏書著書名滿海內自應連類及之

崑陵僦宅幾經春舊館荆溪倘比鄰漫說驛橋風月好

只今近市轉暮塵

余王辰銜恤歸僦屋郡城青果巷在驛橋東數十步

史能之咸淳崑陵志云天禧橋俗名驛橋在荆溪館

西唐如意二年建國朝天禧中重建故名又云荆溪

館在天禧橋東以通荆溪故名南唐徐鉉嘗有驛橋

陶廬雜憶續詠

三

風月之句

前朱咨生侍御集句贈聯云蓬萊文章建安骨赤城

霞氣蒼梧烟以余時權赤溪且曾久役梧州也及歸

寓青果巷製楹聯上句得驛橋風月荆溪館七字兒

子遽以赤城句屬對尙爲渾切因書以懸之

朱咨生侍御一新云又次  
憶寓廬大隱隱朝市信然

劉葆真太史可毅云放翁入蜀記早入常州泊荆溪館夜月如晝與家人步月驛外可想見驛橋之勝何

今與昔不同如此



趙劍秋太守椿年云驛橋  
得此可撲去俗塵三斛

礮仗開門舊例沿衣冠先向喜神延交游戚族爭相謁  
唱喏人人說拜年

元旦開門放爆竹三日開門礮仗具衣冠先迎喜神  
以次謁交游戚族曰拜年鄉人相揖曰唱喏余按東  
京夢華錄云駕登寶津樓諸軍百戲呈於樓下忽作  
霹靂一聲謂之爆仗則烟火大起又按何孟春餘冬  
序錄云揖俗曰唱喏古人相揖作此聲唱喏者引氣

陶廬雜憶續詠

四

之聲也宋人北庭事實云揖不唱聲名曰啞揖則爲  
衆噉笑契丹人置手胸前而不聲宋人以爲怪是爆  
仗唱喏均未爲土俗也

惲寄庵孝廉毓巽云詠俗事  
而以典雅出之良由筆妙

歲首先傳俚唱新喜聞吉語趁良辰輕鑼小鼓歌聲緩  
送遍家家龍鳳春

入春常有兩人沿門唱歌隨時編曲皆新春吉語名  
曰唱春唱時輕鑼小鼓擊之以板板繪五綵龍鳳中

書四字曰龍鳳官春俗傳沿明時正德御賜云

葉云龍鳳官春頤  
新豔不嫌俚唱矣

千門月下闌元宵一片春聲不厭囂我願青藜來照讀  
低徊往事憶垂髫

上元燈火最盛小鉦大鉦羯鼓饒鏗銅角簫管雜沓  
並奏曰闌元宵記幼時元宵得句云我願青藜來照  
讀不勞買夜費金錢 重闌闕之甚喜

暉云文人慧  
業自是不凡

陶廬雜憶續詠

五

三齡航海久追隨最憶桐孫第一枝此日平安書屢達  
相偕弟妹盼含飴

戊子歲長孫福保甫三齡卽航海溯牂牁江至梧州  
嗣隨任赤溪今已九齡常作家書望余旋里

暉云作情真語固  
不以斧藻爲工

誦芬述德備稱揚累世都增志秉光第一 聖朝旌孝  
行豈徒文學重膠庠

六世祖子逸先生諱猶龍邑增生以孝行 旌表建

坊入祠吾家入縣志列傳者累世有之先生縣志有傳孝悌錄有傳家傳則丁誦生學士嘉祿所撰也

暉云推  
崇得體

今古無端供涕淚江山何處著狂徒名傳後世還遭忌  
詩卷飄零慨覆瓿

曾伯祖南珍先生孝因早餓於庠才名藉甚而欽奇  
歷落遇頗優寔後無子以歿李申耆太史江干香草  
錄其詩爲慨慕而惋惜者甚至顧心求茂才所輯江

陶廬雜憶續詠

六

上詩鈔中猶存數十首中有句云今古無端供涕淚  
江山何處著狂徒又云未博後世名已取造物忌可  
以想其概矣

朱云慨乎  
其言之

西蠡河邊上冢期南郊十里放舟遲往來陳渡橋東過  
慨想陶園雅集時

郡城南運河舊名西蠡河出城南行五里陳渡橋五

里孫塘橋入橋爲童子河卽橫林河其旁有明季 九世

祖少溪公及 國初七世祖爾玉公塋 由武祥父祖潮而上爲九

世七 每歲暮春初冬合族必往祭掃云

陳渡橋爲隋陳司徒建故名橋之東舊有陶園爲唐

茂宏別業鄒衣白有圖孫文介所題唐荆川先生讀

書處也昔年 先曾祖玠堂先生授經於此與程霖

巖莊竹所蔣立庵趙味辛李鹿籽唐樂野楊隨安諸

先生唱和得詩三百餘首守一齋筆記陶園雅集一

則卽紀此也 謹按 曾祖諱捧閭傳爲惲子駢學

陶廬雜憶續詠

博篋昌撰李黼堂中丞錄入所輯 國朝音獻類徵

李經畦刺史寶注云  
池祖懷賢寄情綿邈

掄魁京兆重文章當日傳衣詡渭陽歎息儒官甲天下

詩文零落弁山堂

從伯曙洲先生舉工詩古文爲趙甌北觀察外孫嘉

慶甲子舉京兆試第六名觀察喜賦云敢詡傳衣付

須乘破竹機又云渭陽推自出亦覺有餘榮後終於

廣文陸祁生大令詩云江北儒官甲天下周 伯恬 金

曙洲沈小宛宋于庭皆絕倫云云爲時所重如此亂

後余得其弁山堂制藝數十篇其詩古文則不可復得矣

李云漁  
洋風度

輝增彤管勒貞珉 旌典頻看沛 紫宸傳遍松筠貞

孝錄始知巾幗有完人

先姑母適繆守貞繼以殉孝同治九年先由原籍地

方大吏策請 旌表入祠建坊光緒十一年殷御史

陶廬雜憶續詠

八

李堯又詳敘事蹟附片陳奏復奉 旨准其旌表

先大夫撰事畧徵海內詩文表彰之輯刻松筠閣貞

孝錄行世

朱云先生次子婦陸氏爲禔生先生生女孫辛卯年殉烈奏准 旌表給帑建坊貞孝節烈萃於一門矣

一生好善邀 天獎兩卷編詩號自娛回首松楸黃土

瀆五千里外泣遺孤

先大夫耄學好善光緒十四年以捐振荷 旌遺詩

澹庵自娛草二卷癸巳年刊行葬利城鎮黃土張家

村西按輿地紀勝黃土瀆引越絕書云伍員取利浦  
土及黃瀆土築闔閭城是也

惲云  
沈痛

中興偉畧冠同儔江漢猶餘政績留話舊論勛趨節府  
頓教一疏足千秋

癸巳冬在武昌以逸亭兄戰功事畧呈之湖督南皮  
張孝達尙書嗣鄂紳周漕帥恆祺賈中丞洪詔諸公  
及同鄉瞿鹽法廷韶惲分巡祖翼兩觀察各以狀呈

陶廬雜憶續詠

九

督撫蒙奏奉 恩旨宣付國史館立傳並附祀湖北  
省城胡林翼專祠

朱云逸亭廉訪功績卓著乃身後十餘  
載始荷 恩綸一疏千秋亦足慰矣

湘江吟社記天涯風雅居然聚一家最憶虔州賢守句  
青絲步障詠梅花

壬戌余入贅江西之會昌縣廨與幕客施立之司馬

蔣醉園孝廉渡湘江

會昌水名

探梅成詩因結湘江吟社

外舅黃素庵先生外姑沈宜人及內子筱雲均有詩

詞到社已採入繆筱珊太史國朝常州詞錄時贛州叢吟石太守及

前令吳樵孫先生輩均以行當公事來縣各有和章

太守復有詩云娘子軍偏出岳家青絲步障詠梅花

後題和盈帙尙未付梓已畧見雜憶詩注

李云深情雅韻忍俊不禁

減盡風懷感鬢絲落花飛絮漫縈思洗心直欲同坡老

開閣前年放柳枝

東坡婢去後有詩云前年開閣放柳枝今年洗心參

陶廬雜憶續詠

十

佛祖余前歲在里時情事正同

劉云似勝白樂天不能忘情吟

裡圩外圩連畦平大瀛小瀛徹底清幽尋閒向妙橋立

細數游魚逐隊行

村東木橋迤北半里許至妙橋名大瀛河自妙橋北

半里許名小瀛河均爲家河禁外來漁人不得入此

網罟裡小圩外小圩皆村東田名

李云竹枝餘韻與楊柳橋邊芙蓉湖畔諸作皆同一妙境

蒼茫落日黯郊原  
相約歸舟笑語喧  
行到黃汀橋畔路  
蓬窗相對寂無言

水路入郡如卽日  
返櫂必傍晚出城  
二更抵舍黃汀橋  
適爲半道卽咸淳  
毘陵志黃汀堰也  
舊名啞橋亂後橋  
圯過此者猶守金  
人之戒

憚云妙  
有情景

南指丁莊泛小舟  
一隄兩廂峙中流  
記從楊柳橋邊過  
春水桃花鴨蕩頭

陶廬雜憶續詠

十一

郭莊橋南長隄綿  
巨舊築大小兩閘  
以資蓄洩隄東爲  
鴨蕩有村名鴨蕩  
頭再南爲楊柳橋  
隄西卽入郡水道  
也小閘橋在南名  
得勝大閘橋在北  
水路較遠可通丁  
莊均屬陽湖豐西  
鄉境

李云實有其  
地天然詩料

顧影臨波想像間  
仙蹤一去幾時還  
溯洞千尺桃花水  
望斷當年碧玉環

桃花港南第一橋  
名太平橋橋右第  
二排北柱白石



隱紅色現一狻形相傳舊常出游忽爲江西賈人取  
去其形猶宛然未泯雖係齊東野語而石上畱形亦  
可異也

葉云極瑣細極虛誕之事而一經  
點染便覺恂怳迷離使人意遠

芙蓉湖畔聞漁歌二山港口春潮多怪底農家常得鯉  
浮家慣在網頭河

常郡北塘至江陰者名網頭河一名順塘河延袤六  
十五里郡城東北古皆湖西北自高而下至此地勢

陶廬雜憶續詠

七

少平高者散低者聚一如撒網然此其首入湖處故  
曰網頭河其截網頭而中貫之者南爲三山港東則  
古芙蓉湖與無錫江陰爲界云

葉云音節之妙純任自然  
非深於古樂府者不辨

楊柳一谿春漲膩菜花十里午風甜小詩畫出風光好  
麥隴桑疇句共拈

舊句甜字聯廉昉太守評云與桑疇雨過羅紈膩麥  
隴風來餅餌香同一機軸此尤清渾

憚云明舊如  
放翁小詩

薺花天氣說重三中酒嘗騰睡半酣  
相約踏青風日好  
青青一色換單衫

三月三薺菜花開單布衫  
諺語也董大倫詩又過今  
年三月三薺花天氣換單衫  
是日婦女折薺花戴之

曰驅睡

劉云本諺語入詩  
遂成竹枝絕調

牡丹絕品冠南都百種繁  
滋今有無最憶庭前春爛漫

陶廬雜憶續詠

三

紅香紫豔醉雙株

廣羣芳譜卷三十四王敬美云牡丹本出中州江陰  
人能以芍藥根接之今遂繁滋百種幻出余澹園中  
絕盛遂冠一州其中如綠蝴蝶大紅獅頭舞素猊尺  
素最難得開南都牡丹讓江陰獨西瓜瓢爲絕品余  
亦致之矣按江陰近時未聞有以善種牡丹稱者余  
院落中有紅紫二種花時每置酒賞之

劉云江陰縣志藝術傳載明末朱菊叟家西郊喜栽  
奇種菊尤所珍嘗揭句楣間曰種花無稅不愁官未

知此叟亦善  
種牡丹否

木蘭比似樹蘭差每到花時倍憶家細朶叢開春已暮  
如蘭別號淨瓶花

余前撰陶廬雜憶詩云姪紫嫣紅開遍了幽香纔放  
木蘭花此花他處罕有而羣芳譜別有木蘭一種與  
此殊異偶閱嘉興錢警石先生甘泉鄉人稿在海甯  
州學舍有樹蘭詩序云廣業堂前有花樹一本暮春  
時細朶叢開花葉一色其香若蘭而更幽花瓣若梅

陶廬雜憶續錄

十四

而四出微尖心若小石榴而白土人名曰淨瓶花亦  
以花心所似而名也然花譜未載他處不多見應笠  
湖檢羣芳譜目爲樹蘭云詩又有結實甘而小之句  
注云秋深實如金彈篇長不備錄余按廣州有樹蘭  
花如珠蘭而枝幹有高丈許者亦係木本以名此花  
亦恐未確木蘭樹蘭亦隨地以意名之亦猶之名爲

淨瓶花耳

憚云可以補離騷注  
草木狀之所未備

方塘曲岸水生時撒網鳴榔理釣絲一帶柳陰春正暖  
家家爭卵養鷓鴣

鷓鴣一名水老鴉塘岸村人多蓄此鳥當春和時漁  
人取其卵藏於身如雞伏卵俟其雛養之能識人性  
取魚尤多每隻值錢數十貫

葉云此一幅漁家樂圖也養卵之說甚新  
楊孚異物志所載口吐其雛者蓋別一種  
屠敬山庶常寄云清麗渾  
脫極晚唐人絕句能事

亂紅飛盡綠成行一碧空濛草亦芳高下田塍如繡錯

陶廬雜憶續詠

五

荷花根襯菜花黃

荷花根可以肥田春間連畦種之花形如小荷花紅  
豔滿望又名紅花根與菜花相間可入畫圖

華若溪明經世芳云  
詩中有畫逼眞儲王

連朝非霧亦非烟錯認春陰養麥天漫道落沙能損穗  
須知得雨轉肥田

春夏間有時北風揚沙天色黃黯謂之落沙灰天最  
易傷麥惟落沙後得雨而潤則不特無損而轉有益

趙云天時無準筆  
能達難顯之情

竹林蒙密樹槎柯東畔溪橋逐水斜  
隔岸霞光忽凌亂  
萬條開遍紫藤花

泳鯉橋之西沿岸多紫藤三四月花時繁豔清香絡  
索可玩余家入城歸途過此必停舟攀折之今遠道  
寄詠正如李贊皇詩所謂遙憶紫藤垂繁英照潭黛  
也

趙云此又一罨畫溪也與唐許渾  
詩綠蔓陰濃紫袖低同一寫景

陶廬雜情續詠

六

櫻桃紅襯青蠶豆入市三鮮立夏初何辛  
聖朝恩澤  
渥銀鱗永免貢鱗魚

俗傳立夏見三鮮謂櫻桃蠶豆鱖魚也鱖魚前明入  
貢何景明有詩至我 朝康熙年山東按察司參議  
張能鱗疏請免貢奉 旨永免進供疏稿載粟香三  
筆卷八

李云一物之微無不窮原  
竟委畱心鄉邦掌故如此

堆盤慣飮菜根香野卉叢叢殿眾芳  
最愛蓬蒿三徑滿

花開都似菊花黃

蓬蒿本草名同蒿莖肥葉綠二月下種可爲常食四月起臺高二尺餘開花深黃色狀如單瓣菊花吾家後圃常植之以供盤蔬尤愛其花時爛漫恍引東籬逸興也

趙云陶廬蔣徑合而爲一

剛逢小暑一聲雷半月黃梅倒轉來且喜今年秋水足高低遠近已分栽

陶廬雜憶續詠

七

諺云小暑一聲雷半月黃梅倒轉來言雨水多也  
朱云引俗語而不俗

四野模糊失遠峯魚鱗不動墨雲濃蜻蜓萬箇空中舞共指天邊說挂龍

夏日未雨之前往往遙見挂龍或白或黑長約丈許腥風突至蜻蜓隨之故俗以蜻蜓爲龍風云

憚云起二語卓鍊

蛇蛻鴉銜巧製成分疇翠浪走溪聲怕經水旱車十二

何止昕宵百里行

水車之製先植兩木於水濱曰場帖上置橫木以扶

人曰扶筥

俗書作筥  
應作柘

下置橫軸軸四旁列丁字木以

置足曰車榔頭中排短木如齒曰杪頭其下接木槽

槽沒水處有木承之曰水架槽有長短容輻五六十

方或九十餘方以木穿輻連續回環以運水曰鶴膝

東坡詩云翻翻聯聯銜尾鴉犖犖廟廟蛻骨蛇卽詠

此也其軸或七八九人以手倚筥以足踏車榔於是

陶廬雜憶續詠

七

軸轉而杪頭亦轉鶴膝乃綴曳方輻由下而上每轉

凡十八踏槽長則二十餘踏其輻可運水一周十六

周爲一籌尋常每日百籌則一千六百周計二萬八

千八百踏矣如水旱急於屢運則每日一百二十籌

謂之車千二更有不分早夜者或至百四十籌以足

踏計之不止日行百里也

李云詩句旣奇注亦古雅士大夫不知稼穡之艱難  
罕有留心及此者此種詩不當以尋常諷詠視之也

竹樹臨溪雜野花小橋獨木路橫斜牧童驅犢前村過

鎮日茅亭轉水車

水車有用牛者名牛車以盤轉之上蓋茅蓬可蔽風

雨

李云此就前首類及之別有蕭閒之致

種秧遠近唱秧歌雨足三時不厭多漸見低田新潦退

青青一色蒔青窠

夏至日起時時分三候每時五日雨多則秧水足然  
有三時三送低田白弄之諺蓋低田無圩岸往往被

陶廬雜憶續詠

五

淹水退在立秋以前尚可分高田之秧以補之每一

畝之秧可分種三畝謂之蒔青窠加倍糞治仍豐收

無異惟分他人之秧須易米一石佃於人者輪租則

減其半云秧以窠計猶昔人詩詞所云竹一窠芭蕉

三兩窠是也俗書作蒔則草名又藤類恐非或作科

正字通謂植禾也又須作去聲耳

李云方言野語一經點染都成妙諦

消夏相傳消九九只愁暑氣未全收最宜六月初三兩



陣陣風涼到立秋

俗但知九九消寒不知九九消夏蓋自夏至日始也  
周遵道豹應記談云一九二九扇子不離手三九二  
十七喫茶如蜜炙四九三十六爭向路頭徬五九四  
十五樹頭秋葉舞六九五十四乘涼不入寺七九六  
十三夜眠尋被單八九七十二被單添夾被九九八  
十一家家打炭壑 諺云六月初三得一陣陣陣風  
涼到立秋

陶廬雜憶續詠

三

趙云可補歲時風土記  
載之闕亦天然詩料也

滿院荷風靜不囂碧筒時復醉葡萄清明前種分缸藕  
看到花開比葉高

荷花一葉一花余家庭院閒常以缸植之每歲清明  
前分種者則花在葉上清明後分種者則花在葉下  
屢試不爽

葉云明月編所謂花高於葉  
如紅妝美人立翠盤中舞也

染指鮮紅採鳳仙香闈乞巧總開筵共誇針影浮如筆

學得簪花分外妍

七月七日婦女採鳳仙花染指甲午時取河井水各半貯一器曝日中浮針其上承日影視之作寶塔或筆形者巧

屠云詩筆亦有餘妍

南潮北潮江水遙七八月旱嗟槁苗乞靈同向城隍禱  
更願江神許借潮

吾鄉離江口少遠水由桃花港溧港來者爲北潮自

陶廬雜憶續詠

三

郡城西塘河來者爲南潮咸豐六年歲旱鄉民萬眾至橫埭口扒沙開新河又昇城隍神至西塘河借潮云

劉云天時地勢水利民情此掌故之最鉅者

兒童鄉塾坐縱橫三百千書驗課程多少冬烘先得聘  
菊花黃候請先生

村塾蒙童多先讀三字經百家姓千字文以其易於上口故坊間有三百千註釋合刻出售三字經撰於

宋王伯厚百家姓撰於宋初錢唐老儒均 國朝王

晉升注之千字文撰於梁周思纂 國朝汪嘯尹孫

謙益注之菊花黃請先生乃吾鄉諺語

李云此承平時鄉閭真趣也世變日亟來日難言讀之不禁慨然

霜後東風一日晴同雲如墨暮寒生來朝萬頃瓊瑤白

獨自尋詩踏雪行

霜後東風一日晴俗語也

朱云用成語如已出

陶廬雜憶續詠

三

荒原風緊鷹捎雉野徑烟迷犬逐豕雪盡草枯凝望久  
暮雲千里夕陽殷

冬間有弋雉者每以鷹搏邱壟間多豕烟薰其穴縱

犬伺而嗾之鮮有脫者

屠云村居景物寫來如畫

羊頭行通路三叉愛聽鄰鄰石徑斜鄉里至今思下澤

雙輪大小是單車

鄉間以車往來有雙車單車之分雙車用兩人單車

祇一人推之其製小惟車之前有兩木斜出而俯首  
夾小輪圍不及尺遇田塹高下則小輪在前轉而過  
之以其形如羊頭故又名羊頭車殆卽古所謂下澤  
車耶

李云詩與注  
均有古趣

家釀年年慣飲醋一杯在手四時春不須更種淵明秫  
好購桃花碧綠身

橋稻有一種名碧綠身芒紅粒長色白釀酒清冽炒

陶廬雜憶續詠

三

之鬆脆產桃花鎮者爲最見縣志

暉云可補  
楊氏韻藻

朴雅時壺重紫沙曼生後起亦名家只愁煮出色香味  
淡絕誰嘗芥片茶

宜興產茗壺以時大彬時壺及龔春所製爲最古周  
高起陽羨茗壺系論製壺有大家名家之分嘉道間  
陳曼生出新意令楊二泉所製者號曼生壺亦名於  
時吾鄉以宜興磁壺及芥片茶並稱芥片亦產宜興

兩峯相阻介就夷曠者爲芥陳定生秋園雜佩云芥  
茶色香味三淡初得口泊如耳有間甘入喉有間靜  
入心脾有間清入骨嗟乎淡者道也雖吾邑士夫家  
知此者可屈指焉

劉云陽羨茶珍爲貢品見於唐宋詩詞者指不勝屈  
至明代已稀 國朝自庚申亂後佳種遂絕可歎也  
越畔有思防放牧臨淵興羨禁侵漁六蘇唱罷循成例  
鼠雀居然靖里閭

牛羊嚼草無許越界取魚非官河則罾每致涉訟常

陶廬雜憶續詠

十四

唱六蘇並議立規條以示禁六蘇班凡六人具八音  
以唱曲卽清音班也

李云無意對仗而對  
仗之工正不可及

任郵鄉閭其釀錢互權子母自年年歲終更喜多良會  
會友無慚號七賢

親朋有大事每糾會釀錢以成之有五總會狀元會  
等名目而以七賢會爲最公允自數十千至數百千  
凡七人輪收七年本息各無虧損每歲冬間舉行尤

盛

李云作會之法惟吾鄉最盛亦頗存有無相通之誼昔人絕少記載或畧記會法亦一奇也

方志傳訛未易詳宋元明代溯分疆前周一鎮論沿革

誰辨前朝良信鄉

江陰縣境宋元明皆以鄉名首永陵次良信 國朝

康熙三年始分十七鄉爲三十六鎮余所居前周鎮

縣志以爲合丁墅鎮桃花鎮同爲昔永陵鄉又志載

利城後梅申港三鎮同爲昔良信鄉而良信鄉之五

陶廬雜憶續詠

壹

都九圖地名鮑莊墓東村常澤村前楊村觀巷南秋

村郭莊西觀村皆爲今前周鎮境是前周舊應隸良

信鄉也縣志殊誤

李云以下諸詠攷訂志乘詛載風土不讀書人幾欲厭觀乃眞摭懷舊之蓄念發思古之幽情也非此不見文字之足重

國課輸將亟奉公綏徵加賞 聖恩隆偏隅何幸多良

善盡在 皇仁覆育中

乾隆三十三年十二月十九日內閣奉 上諭據彰

寶奏審擬江陰縣保正沈添益等欲圖熟田緩徵聚  
衆開堂獨前周一鎮並無一人聽從入城甚屬可嘉  
着卽酌量加賞該鎮本年應完酒米加恩特予緩征  
仍出示曉諭使知滋事匪徒不得倖逃懲典此外能  
知大義皆吾善良赤子原不惜格外施恩優加體卹  
庶衆人共知激勸欽此武祥謹按此 旨已恭纂刑

名條例中

劉云通德之鄉風俗自異所謂  
薰其德而善長者由來久矣

陶廬雜憶續詠

三

姬山高冢煥叢祠霸業猶傳敗楚師報賽鄉人疏考證  
應知太子是終纍

姬山相傳爲姬光太子墓當爲太子終纍卽左傳所  
紀敗楚舟師者俗稱爲闔廬墓并額廟曰姬光廟均  
誤 大清一統志闔廬墓在元和縣虎邱山越絕書

闔廬冢在闔門外虎邱下

王漁洋有  
闔廬墓詩

此廟宜榜曰姬

太子廟不宜祀其子而稱其父名也

先大夫重建姬山神廟碑記曰史記封禪書論次古

來用事於鬼神者秦漢之際郡縣遠方神祠民各自  
奉祀不領於祝官洎釋道之教行而祀益紛不可紀  
其足以勸善懲惡使民知所警畏者君子勿廢焉江  
陰之西前周鎮有土阜隆然高者爲姬山或呼姬墩  
相傳爲姬光太子墓山之陽舊有祠宇祀 關帝

城隍神並列祀 諸仙釋而 太子亦像祀之爲一

方祈福報賽之所庚申之亂廟悉燬甲子江以南蕩  
平閱八九年民困漸蘇乃醵錢就舊址草創數楹歲

陶廬雜憶續詠

七

丁丑族弟子怡復集鄉之人捐貲重建力任其役雖  
未能規模復舊而位置秩然庶幾無褻慢之咎工既  
竣屬余爲之記考姬光太子見於載籍者凡五夫差

嗣立爲君不得稱太子

大清一統志云夫差墓在長洲縣西北卑猶山吳越

春秋云齊景公壻爲太子波斯應與齊女葬於虞山  
之顛今常熟虞山有墓太平寰宇記云吳王第八子  
葬於江陰之繖墩今所謂珊瑚洞卽墓穴也左傳定  
四年柏舉之戰吳王子子山爭宮左氏貶之不稱太



子定六年太子終纍敗楚舟師爲夫差兄未立而卒  
此當爲太子終纍墓傳之千餘年而不毀若有式憑  
之者則祀諸神而並祀太子也固宜而余重有感焉  
山距余家里許猶記少壯時值春秋賽會每偕鄉之  
父老登眺以爲常猝遭變亂於流離顛尾之後猶得  
復我邦族休養生息以重觀此廟之成策杖重遊俯  
仰今昔有不知老之將至者而尤願鄉之人循循孝  
弟相友相助以成仁讓之風將見感召休和神降之

陶廬雅憶續詠

三

福歲奉牲醴以答豐穰此則鳴鐘伐鼓之餘樂與鄉  
之人所共勉者也

李云讀附錄碑記益欽  
家學淵源有自來矣

平原崛起儼成峯形勢濱江氣獨鍾二水濼洞岡突兀  
不妨土阜號蟠龍

石莊鎮之南里許有蟠龍山上有寺相傳始於元時  
山廣約十畝高數丈其頂寬平而土堅莫詳其名之  
所自或曰濱江以南沙土平衍屈曲十里至此崛起

如龍之昂首故以龍名或曰山之形如頷下珠左桃  
花港右立球河二水夾山而前合流於其南迴環往  
復以水勢象之故謂之蟠龍山余考縣志載縣治東  
南十五里有蟠龍山以唐垂拱中有黃龍蟠其上故  
名此在縣治西六十里異地同名而縣志不載其亦  
有幸有不幸歟

朱云詩亦  
奇崛可喜

點綴名山佛與仙定峯高峙擁雲烟何時巒塔灣頭路

陶廬雜續詠

完

來訪庵中玉乳泉

定山在縣東二十里雄峻磅礴爲巨諸山之冠舊傳  
有定光佛示現故名山之西有女仙臺山之東最勝  
處有巒塔灣下爲飛錫庵唐法響駐錫處庵有玉乳  
泉俗名虎跑瑩白甘腴食物本草載之

葉云比中冷  
惠山何如

堡城楊舍時東隅萬卷書樓繪有圖鎮志居然資考證  
暨陽舊治暨陽湖

楊舍距縣東五十里爲晉迄唐初暨陽縣舊治暨陽湖當在其南楊舍志有暨陽湖考明嘉靖時因備倭建堡城 國朝嘉道間葉氏藏書甚富有靜觀樓繪圖徵詩光緒癸未集字印楊舍堡城志十四卷亦葉氏所纂輯也

劉云楊舍以楊舍人得名舍或書作厓厓姓也於義無取

千秋同作高山仰兩巨頰將水利論共說張公爲政樂舜河疏濬接虞門

陶廬雜憶續詠

三

高山卽舜過山上有舜廟北岫爲唐人魏璞隱居處山下有河名舜河經虞門出新溝港入揚子江長三十三里爲陽湖江陰水利所關同治間陽湖令張公

晴江名清華嘉興人捐俸重濬之因有陽江舜河水利備覽

四卷之刻張公令陽湖多善政庚午秋闈分校武祚試卷出公房薦而未售公惋惜甚至時時爲人言之宋云實有政蹟非泛作頌揚語

芙蓉圩接馬家圩蓄洩江流注具區共說文襄遺澤在

至今萬頃盡膏腴

芙蓉湖自晉內史張闔基其中洩湖水令人五瀉湖  
注具區欲以爲田施功未成明巡撫周文襄公忱塞  
湖成田界以大河河西以芙蓉湖爲芙蓉圩計三萬  
六千畝隸陽湖無錫河東以馬家湖爲馬家圩計七  
千三百畝隸江陰至今三邑稱沃壤焉

劉云江潮湖水互相蓄洩此三吳  
水利之最要者不獨圩田爲然也

太湖三萬六千頃七十二山如畫圖我欲夫椒訪遺著

陶廬雜憶續詠

三

椒峯以後更東夫

太湖諸山以夫椒爲最大又名馬蹟卽吳王夫差敗  
越處也屬常州陽湖縣境光緒間有重修馬蹟山志  
八卷生其地者 國初以陳廣明舍人玉璣近時以  
許秦眉徵君棫爲最著陳有椒峯集二百餘卷許有  
東夫山房集數十卷

揮云亦雄宕亦  
跳脫卓然成家

飛霞樓圮問誰登殘塔淩雲尙幾層記否艤舟亭畔路

桂花香裏孽紅菱

郡城東門外飛霞樓在元妙觀內有元虞集碑記太平寺塔爲郡中文筆旁爲塔影山房庚申經燹殘破艤舟亭在文成壩宋蘇軾至此繫舟有夜宿常州城外詩乾隆二十二年 純廟南巡卽其地建 行宮遂稱 皇亭八月間游人最盛有看桂花喫紅菱口號

劉云吾郡東郭外勝蹟較多惜亂後殘廢未復讀此爲之慨然

陶廬雜憶續詠

三

遺蹟長留郭景純錦囊一卷葬書存流傳莫襲金山誤指點三墳母與昆

寰宇記云郭璞宅在黃山北長屏村縣志郭璞母墓在申港北八里許蔡註或云在黃山方輿覽勝云金山前有三島號石鐘俗稱郭璞墓明知其誤以訛傳訛也璞隨其母與昆俱葬江陰縣北近海所謂北阜烈烈巨海混混纍纍三墳惟母與昆是也

李云以韻語爲考證而無一字泛設此境良不易到

孝性黃門禮梵王曾傳舊宅起禪鄉而今花草重淪劫  
械械蕭蕭祇白楊

利城橋西禪鄉寺庚申亂後殘廢僅存萬厓天啟兩  
碑載劉宋時黃門侍郎蕭惠開居喪有孝性家素事  
佛爲父思話起四寺比其一也云云南史蕭惠開傳  
後不得志寺內所住齋前嚮種花草惠開悉剷除之  
別種白楊又按史傳載曲阿舊鄉宅名曰禪鄉寺太

平寔字記云江陰縣本漢曲阿縣之地此可爲證崇

陶廬雅憶續錄

壹

禪辛巳江陰志亦具詳之且史載蕭思話爲南蘭陵  
人江陰爲蘭陵所分則利城固爲舊鄉應名禪鄉矣  
葉云地方梵刹載於正  
史者自應表而出之

華云懷  
古蒼涼

披圖立決治何神至到能詳辨廣輪自昔潔齋成法在  
更誰按冊補魚鱗

宋史袁燮傳燮爲江陰尉命每保畫一圖田疇山水  
道路悉載之合保爲都合都爲鄉合鄉爲縣徵發爭

訟追胥披圖可立決云云今江南州縣有魚鱗冊猶沿其制吾鄉亂後冊悉燬惟十七保僅存耳燮後諡正獻學者稱潔齋先生

劉云近人校邠廬抗議有繪地圖一篇卽引此事居今法古縣宰之職歎

南歸僉判少年時故事今吾歎數奇當日識君青兕相空傳忠憤稼軒詞

辛棄疾南歸授承務郎差僉判江陰時年二十三僧

義端曰我識君真相乃青兕也後不能盡展其用一

陶廬雜憶續詠

語

腔忠憤悉寄於詞退閒後有鷓鴣天詞云思故事歎今吾春風不染白髭鬚都將萬字平戎策換得東郊

種樹書

朱云忠敏爲江陰名宦宋史傳詳敘事蹟固不僅以詞人目之

闕里闕溝留姓氏旁稽譜牒豈傳疑煌煌忠烈垂元史六百餘年雙節祠

大闕村有雙節祠祀元漳州府知事闕公文興暨夫入王氏也祠久圯咸豐元年余族祖相族兄之路兩

茂才及里人集貲復建知江陰縣陳君楫壽記之畧  
云公諱文輿字克武元初爲漳州府知事至元十八  
年陳弔眼盜起攻漳州侯竭力捍禦經數十戰歿於  
陣夫人王氏被掠義不受辱給賊曰俟吾葬夫後卽  
汝從也賊許之乃得負屍還積薪焚之火熾自投火  
死元正統二年封文輿爲英烈侯王氏爲貞烈夫人  
敕建祠額曰雙節又云考元史夫人爲建康人侯獨  
不詳其里居曷爲廟食茲土曰侯夫婦殉節事見同

陶廬雜憶續詠

五

里徐莊橋王氏譜大畧與史符合譜載建康王格女  
淑英適江陰永陵鄉闕文輿俱安漳州立祠於本鄉  
祀之今大闕東嶽廟卽其地也元末燬於兵越兩朝  
而嶽廟西側尙存破廟一所廟之東里以闕名廟之  
西溝以闕名至今不忘其姓氏則侯實生長於此云  
云武祥按元史烈女傳夫人王氏名醜醜至元十八  
年作十七年正統二年作至順三年正統乃明英宗  
年號應從元史作至順



朱云史傳志乘譜牒  
合以考訂方爲翔實

晦冥雷雨殉沙場凜凜錢公百世芳三矢威名資保障  
防倭誰復繼睢陽

明嘉靖時錢鎰以進士令江陰倭屢入寇嘗禦之石  
幢發三矢連殪三賊倭少却嗣寇復至啟門納鄉民  
之避寇者且請兵於兵備王崇古不應鎰憤甚曰睢  
陽何如人哉遂提兵突圍出戰至九里河遇害時天  
大雷雨晦冥百姓哀號徧野死時年三十一今專祠

陶廬雜憶續詠

六

在城隍廟之西偏

朱云防倭誰繼睢陽哉  
宜錢公之廟食至今也

鄉賢繆李有前塵拜杖誰旌折檻臣黨籍早傳三虎烈  
排闥此日更何人

黃昭字明甫劉瑾擅權昭抗節自守瑾怒罷之貢安  
甫字克仁忤瑾廷杖三十史良佐字禹臣與貢等劾  
瑾杖九十不死三人皆江陰人同在正德黨籍朝紳  
贈詩有三虎殿前聲正烈一臬天上膽先寒之句

朱云明劉瑾魏忠賢瑄禍並烈三公獲  
全而繆李被害其亦有幸有不幸歟

形勢還從相地傳撼龍經有破軍篇南枝分合尋山脈  
直至江陰大海邊

五代後唐楊筠松撼龍經破軍篇第七云高龍南枝  
過慈嶺黑鐵二山雪峯盛分出秦川及漢川五嶺分  
星八桂連山行有斷脈不斷直至江陰大海邊海門  
旺氣連閩越南水兩夾相交纏此是海門南脈絡貨  
財文武相交錯云云此書共十篇近時順德李若農

陶廬雜憶續詠

毛

侍郎爲之注

劉云統論山水脈絡歸結  
江陰亦見旺氣之所鍾毓

頭洞真疑大地浮鐵籬露爪鎮千秋滄桑閱後風波定  
愧我身如不繫舟

江陰縣治有鐵貓四身埋土中僅露一爪志云江陰  
縣治爲舟形故以此鎮之

揮云卽物抒  
情無限感慨

漫說芙蓉別有城人間天上感離情何時更跨青鸞翼

三十三山空月明

江陰志云江陰稱芙蓉城相傳卽王子高過周瑤英  
故事事涉虛幻既見之東坡詩置勿詳可也王荆公  
和坡詩以爲此戲耳余口占是詩亦云

葉云抵得東坡七古一篇

欲訪春申蹟已蕪翠屏風裏且攜壺

城邊山色翠屏風  
宋昌叔寄王荆公

憶江陰詩也

古今多少登臨客曾繪君山有幾圖

王梧溪題君山酌月圖歌云君不見江山元與天地

陶廬雜體續詠

三

關有月無人景虛擲崑崙帳東來幾萬里衣冠雲散三

千客三千客後世屢易曉事僅有羅春伯

趙曦明引  
黃志注云

高熙丁未九月既望羅春伯率侯叔平九人同登君  
山夕陽在波帆影散亂平淮千里去雁無極蒼然暮  
色自遠而至須臾月出東山之上陰翳如掃江水滢  
然與月相得風露清美如步鼈背不知猶在人間也  
以其境過清不可久留乃記之而去宋羅點

元瑞游君山王平園元崑爲繪君山高會圖并爲文

記之畧云君山者澄之負郭山也距城北迤邐二三

里屹峙江澚頂有寒閣登之蒼茫四望入烟井邑麗

其南長江西來海門東注遠螺千疊縈清漾碧莫不  
奔走效靈俯出襟帶之下又云晨興出北郭小憩黃  
泥庵却騶從躡蹻道策杖而躋其顛風高露清江光  
接天蒼崖倒矗木葉欲脫公于時披襟把杯逸興遄  
飛曠望遙吟緬懷今昔慨然謂崑曰自有此山登之  
者不知幾輩勝情高韻概乎無聞今余與二三子偶  
爾萍合異時風流雲散渺然難期後此誰當知此地  
此人之嘗有此樂者云云學使復題七律四章有云

陶廬雜憶續詠

竟

北郭烟光橫野岸西風秋意滿江關地坼天寬江近  
海風生浪湧水連雲送江入海蘇和仲強老悲秋杜  
少陵直當欲去留鴻爪莫負逢秋聽雁聲和者皆其  
幕客及門下士凡十人余曾見此圖於骨董肆中以  
價昂未購也

劉云君山自宋時已著舊名岷江山上有望江樓  
樓浮遠堂松風亭惟寒閣無間亦應補入邑志

華云江天一

覽感喟無極

蓮峯東峙指黃山小角西臨兩石灣天塹於今控形勝

江陰以上數圖關

海防自吳淞入長江以江陰為第二重門戶歷年築

礮臺分東西兩山東曰黃山礮臺

黃山頂有臺東出之支峯凡三其頂

均有臺仙人橋黃山

港兩臺皆附麗之西曰小角山礮臺小角山山頂山腰山嘴均

有臺大石灣小石灣鷺

鼻嘴各臺皆附麗之江陰北岸為靖江之天興港

十圩港兩礮臺天興港對黃山十圩港對小角山可

收夾擊之效再泝而上則為圖山關形勝亞于江陰

劉云江陰礮臺有湘淮各軍扼紮復有水雷魚雷電報電燈足資防守惟在統軍者得其人耳

陶廬雜憶續詠

四

華云指陳形勢如觀畫圖

宋元遺事久銷沈獨抱懷忠弔古心射塔題詩悟空寺

荒蕪舊蹟更誰尋

宋和州防禦使劉公師勇正史附張世傑傳元師圍

常州師勇入守後扈王海上其墓在今赤溪廳之銅

鼓嶺余權廳事曾表彰之並參稽羣書為撰事畧元

王逢毘陵秋懷詩後序云師勇嘗經江陰悟空寺意

氣慷慨射一箭於寺塔復題詩於壁乃去今遺蹟亦

無可訪矣

葉云近時粵中盛稱劉師勇祠墓與二大忠並傳皆先生表彰之也回憶故鄉舊蹟無可訪求能無慨然

事關風教合收羅至行千秋耿不磨曾讀夷堅洪氏志六齡救母有宜哥

宋洪邁夷堅志曰集齊宜哥救母一則云江陰齊三妻歐氏產乳多艱幾於死乃得免一子宜哥年六歲警悟解事不忍母困苦咨於老人問何術可脫此厄

陶廬雜憶續詠

聖

老人云惟道家九天生神章釋家佛頂心陀羅尼爲上卽求二經從一史道者學持誦三日悉能暗憶於是每於清旦各誦十遍仰天焚香輪寫誠懇凡越兩歲紹熙元年歐有孕更無疾惱至十月將就蓐宜哥焚誦之次見神人十輩立侍於旁異光照室少焉生一男其患遂絕武祥按此則宜補入縣志孝弟門

李云表彰前哲是先生夙昔盛心昔鄭善長注水經於稗官小說之言蒐採無遺蓋非惟爲文章點綴亦足爲方輿生色也

徐郎妙筆擅丹青曾向三韓伴使星此日東溟氛祲惡  
高麗空子自考圖經

清波雜誌云宣和間詔路允迪傳墨卿使高麗介其  
屬江陰徐兢仿元豐中王雲所撰雞林志爲高麗圖  
經稽考詳備物圖其形事爲其說蓋徐素擅丹青者  
也乾道間刊於江陰郡齋

宋云撫今憶  
昔可爲深慨

執戈捍患詠同仇私祭猶然姓氏留難得草茅能蹈義

陶廬雅情續詠

望

固應烈士盡封侯

沿江七十二老太江陰常熟並有之江陰爲多皆前  
明禦倭死事者相傳封烈士侯神有陳沈許張諸姓  
凡城隍賽會則昇神像爲前驅而不列祀典未載志  
志中宋有陳烈士祠明有吳周義勇祠皆官爲致  
祭識餘所載孫阿佛曹鬻子等六人則與此相似  
沿江漁船奉祀最謹有黃山港陳老太者尤著靈異  
爲長江水神云

朱云廡北詩云未必傳聞皆偽史  
策真能識此義可知私祭之非經

嘉耦從容畢命辰突圍想見膽輪困此僧煎海難填海  
橫島同傳五百人

雲溪樂府注云煎海僧逸其名江陰人本名諸生妻  
亦工詩畫能舉八十觔鐵刀 王師圍江陰率壯士  
五百人入守臨行其妻自殺曰毋爲君內顧憂縣尉  
閻煌嘗命率五百人突圍求救既出少三十人獨提  
刀引之出如是者三五百人無一損城破爲僧率五  
百人居海島者鹽自給號煎海僧當事患爲亂使使

陶廬雜憶續詠

聖

招之與五百人皆自殺按此條宜補入縣志忠義門

劉云雲溪樂府尚有黃衣士

一章並注均宜補入縣志

華云聲  
情激越

寄語曾無姓氏傳題詩嚙血赴重泉投崖別自邀天幸

竟補今生未了緣

袁枚隨園詩話云 本朝開國時江陰城最後降有

女子爲兵卒所得給之曰吾渴甚幸取飲可乎兵憐  
而許之遂赴江死時城中積屍滿岸穢不可聞女子



嚙指血題詩曰寄語路人休掩鼻活人不及死人香

陳維崧婦人集云乙酉澄江之變士子黃姓者妻

秦氏被擄不屈過金山題詩壁上末二句曰蒲團夜

坐三更月懺悔今生未了緣明日投崖殞兵去復蘇

適遇乳母夫過攜歸復合案以上二事縣志均未載

葉云二女雖有幸有不幸而從容作絕命詞皆才媛之勇於就義者宜合詠以傳之

輿臺執役竟成仁能重綱常愧搢紳賴有闡幽吞月子

一篇合傳表三人

陶廬雜憶續詠

四

鮎崎亭集毛戶部傳附載輿人阜人丐人傳云阜人

者于姓江陰人乙酉之變傳新縣官至往執役如舊

諦視良久歎曰衣冠不似前人吾不可以爲之役遂

歸而縊按此阜人宜補入江陰縣志戶部名聚奎字

象來鄞人爲明末遺老所著有吞月子集僅存數篇

全謝山爲存之傳中 近縣公合江李紫璇太守爲

建祠並撰文立碑記之阜人可不朽矣

輿云毛戶部傳及所記三人亦見李璠南疆釋史據遺卷十二惟新縣官當係方亨傳言湖州李某者誤

孤筇雙履徐霞客絕域能游不計程可惜未逢玉川子  
相隨虎鹿忝神行

徐宏祖字霞客年三十出游東南諸山水北游燕冀  
嵩洛西上華山崇禎丙子辭家西邁至崑崙窮星宿  
海又數千里至西域嘗語人曰古來題名絕域者惟  
漢張騫唐元奘元耶律楚材三人吾以老布衣孤筇  
雙履得與三人爲四死不恨矣著有霞客游記十二  
冊顧大愚字道民自號玉川子好出游時或楮衣捉

陶廬雜憶續詠

翌

碧玉栖霞乘駝入市隨行虎鹿各一遇道士授以神  
行法一日夜走八百里性至孝母嗜錫山肉饅大愚  
早起淪茗於壺自往錫攜歸壺酒炙手熱也人稱顧  
孝子陳眉公贈詩有云御風不數驩騶步錢牧齋贈  
以長歌有云玉川子何弔詭朝游淮陰城暮宿吳門  
市萬回不足號千回朔北燕南在腳底縣志及楊舍  
堡志均有傳

劉云二人許當同時其奇  
實相等此詩卽合傳體也

青陽金鳳溯風流且喜名山著述留  
列傳兩朝宜正誤  
丹陽注籍更長洲

宋葛勝仲字魯卿江陰青陽人宋史誤注爲丹陽人

明王樺登字百穀江陰金鳳鄉人明史誤注爲長洲

人葛有丹陽集二十四卷近從 文瀾閣錄副王有

集廿一種近得明刻本於羊城書肆

宋史葛勝仲父葛宮傳稱江陰人勝仲傳則稱丹陽

人勝仲孫葛邈傳稱其先居丹陽後徙吳興云云宮

陶廬雜憶續詠

四

傳未誤邈傳猶有先居丹陽之語按葛氏以葛洪著

望稱丹陽魯卿自署丹陽 王百穀集均自署太原亦此類 迺宋人之

舊習集亦署曰丹陽集是晉時之丹陽郡非宋時之

丹陽縣也自陳振孫書錄解題誤以爲丹陽人而宋

史因之遂以魯卿爲舊居丹陽徙居吳興似與江陰

無涉者因考丹陽歸愚兩集韻語陽秋 歸愚集十卷韻語陽秋二

十卷均勝仲子立方著 均無徙居丹陽之文又考京口耆舊傳

嘉定至順兩鎮江志亦不載葛氏父子 鎮江志如陳升之蘇頌曾

布之寓居者均載之豈有獨遺葛氏父子之韻語陽  
理至近代之志又沿宋史鈔入不足據也

秋云余曾祖通議楊真榜登科未四十致政享年八

十七居江陰軍青陽之上湖自號草堂逸老又云先

人文康公罷官南陽適當兵擾復還舊業奉伯父工

部居焉別建二老堂於宅南眷望由里諸山皆在目

考由里山離江陰城九里距青陽亦在指顧具見葛

氏世居江陰也又韻語陽秋序云歸休吳興汎金谿

上蓋魯卿再守湖州有全城功遂卜居吳興則邨傳

陶廬雜憶續詠

七

後徙吳興之語尙不誤耳

王百穀采真篇再謁茅君文云臣祖宗世爲農人家

暨陽逮臣始讀書爲士初居晉陵又居吳郡金昌門

同里澄江陳崇慶序百穀晉陵集云百穀集廿一種  
晉陵集居首

集何以晉陵名邈其先世爲江陰金鳳里人江陰志  
金鳳鄉

爲今馬鎮自常而徙於吳少卽補常郡博士弟子員

璜塘二鎮

云云蓋百穀寓蘇最久晚年又營生壙於長洲之白

馬澗傳者遂并忘其本籍江陰矣

劉云楊升庵辨李白之非山東人訂唐書之誤有云  
族姓郡國關係亦大矣誦其詩不知其人可乎此詩  
即此  
意也

文瀾錄本自申耆歷劫遺編費護持絕憶日長衙放早

牆東類彙校讐時

陸文圭字子方元史入儒林傳有牆東類彙李申耆  
太史錄取 文瀾閣所藏永樂大典本并爲之序授  
陸清臣刊之亂後傳本絕少余前在赤溪任所擬重  
刻之校勘舊刻譌舛處得六十餘條先附梓粟香五

陶廬雜憶續詠

哭

筆中

劉云聞牆東類彙原板亂後尙存其半皮  
于陸氏祠中其齋不能補刊印行可慨也

戴良附傳志從同詩史梧溪句最工一代遺民托高隱

青龍江上有冥鴻

王逢字原吉居黃山號席帽山人後避地松之青龍

江扁亭曰冥鴻有梧溪集七卷絳雲樓書目註云牧

翁稱其記載宋元之間人才國事多史家所未備明

史附戴良傳中二人皆義不負元者也

劉云邑志識餘云至正戊辰逢壽七十自  
作曠銘云待旌忠孝節義鬼蓋實錄也

北郭滄螺次第編元明遺著廣流傳青暘一集存孤本  
梨棗初刊五百年

元許恕北郭集六卷補遺一卷明孫作滄螺集六卷  
均著錄 四庫全書重刻於江陰叢書中明張宣青  
暘集四卷并無刊本幾無知之者余近得傳鈔孤本  
亦并刻叢書中蓋明初至今已五百餘年矣

劉云李申首跋張藻仲書云其書絕不多見僅見王  
虹帖中青暘集尤罕有子幸得藏本晉堂能并刻之

陶盧雜憶續詠

晃

則惠桑梓功尤偉此言閱數十年至粟  
香室始獲梓行文之顯晦固有時耶

存餘堂舊有詩評騷選儲藏未刻精想見百城誇坐擁  
不勞一顧惜傾城

朱承爵字子儋明江陰國子監生工文詞精鑒藏著

有存餘堂詩話刊藏說小萃中 天祿琳瑯云宋刻

文選有朱印子儋存餘堂印二朱記 鐵琴銅劍樓

書目云離騷集傳末葉有舜城朱承爵校讐訖一行

卷首有舜城居士子儋朱記 士禮居題跋記云魚

元機集宋本朱子儋藏子儋江陰人世傳有以愛妾  
換宋刻漢書事其人亦好事之尤者

劉云無聲詩史云朱承爵又號左  
庵文徵仲稱其爲文古雅有思致

鬻翰刊編費校警員之韻事繼晷尤惜無手跋親鈔本  
書目惟傳得月樓

錢謙益李貫之先生墓誌銘江陰李君諱鶴紳字如  
一後以字行字貫之家世力耕給公上其餘悉以購  
書搜閱本訪逸典藏棄刊編鬻翰老而食貧指其藏

陶廬雜憶續詠

五

書曰富猗鄭矣其讀書也闕必補譌必正同異必讐  
勘病不輟業衰不息勞傲宋晁氏尤氏書目自爲詮

次發凡起例井如也天啟中羣小附極人亂政繆宮  
允昌期妹之夫也御史應昇弟子也相繼械繫君執  
應昇手曰勉之李氏有人矣君祖戒菴府君諱翊應

詡以儒有聞翊生復菴府君諱果用孫應昇死忠贈

太僕卿君之父也君以崇禎庚午卒享年七十有四  
子奕茂孫男五人良之成之及功遜之挺之銘曰江

陰之東赤岸里有明碩儒葬於此 又李貫之七十  
壽序貫之橫經藉書朱黃錯互虞監之親鈔杜侯之  
手跋充棟宇而溢機杼江以南豔稱之

池北偶談南唐書今祇傳陸游馬令二本胡恢書久  
不傳惟江陰赤岸李氏有之今武祥所刊得月樓書  
目無此書而有南唐錄十卷徐洪撰或以爲通志藝  
文畧江南錄十卷徐鉉湯悅等撰記江南李氏之事  
疑卽此書而鉉誤爲洪也未知是否 余所刻李氏

陶廬雜憶續錄

至

得月樓書目在戊子歲由繆筱珊編修錄寄爲黃蕘  
圖解元士禮居舊藏本黃跋云中多罕有之書亦有  
原本誤及可疑處之語故部次雜錯且間有重複其  
卷數及撰人或無或無今輾轉傳鈔益多訛舛姑刻  
之粟香室叢書以俟得別本校正之

李云刻書以精校爲難况無別本  
參證惟以刻爲鈔先廣流傳而已

遺墨老儒書可寶寫生嬌女畫爭傳問誰昌歆能同嗜

鐵網珊瑚有紀緣



居易錄梧溪集七卷細書工緻似鍾大傅終卷如一  
云是周研農榮起手錄周江陰老儒常熟毛子晉刻  
校古書多其刊正其子長源字鄴侯予在淮南時從  
游門下甚久研農年八十七乃卒今歿纔五六年耳  
書雜八分信可寶也女禧祐皆工畫禧名尤著 東  
湖叢記余所藏明周研農手抄朱性甫鐵網珊瑚其  
珍惜之意甚至卷前有紀錄一篇云性父朱先生遇  
名山秘玩輒搜弄而手錄之積久成十四卷其字畫

之精二百年如新曩藏姚宮詹近世鼎遷流入隱湖  
爲汲古閣物秘不借人汲古令嗣黼季迺能不靳慨  
然借我老年目力不勝賈勇繕謄兩年卒業時有諠  
讓者曰書頗不奇子何做做爲所役乎余謝之曰昌  
歟芟角其嗜不同人各有懷非爾所知也竊念朱先  
生勞於結網余乃逸而坐致盈丈珍奇貧兒暴富石  
家金谷園王家紫絲步障鬪豔爭高不如此帙多多  
矣記得少陵句曰詩卷長留天地間鈞竿欲拂珊瑚

樹余於此十四卷亦云癸卯十一月三日六十四老  
人周榮起述 靜志居詩話吳中趙凡夫子婦文淑  
設色畫本草曲臻其妙江陰周榮公二女淑祜淑禧  
臨之亦成絕品

劉云榮公之兄高起字伯高與徐遵湯同修邑志殉  
乙酉之難粟香室已刊其茗壺芥茶系入叢書中與  
榮公可  
稱二難

九鑑山畔憶前徐力學躬耕奉母居聞道當湖深仰止  
惜陰還欲訪遺書

陶廬雅憶繪詠

五

九鑑山卽青山寰宇記云上有千將鑄劍鑑九所故  
名徐先生世沐字爾翰家於此晚號青麓又曰青牧  
少孤奉母孝力學自立補學官弟子見太極西銘書  
發憤志道歎囿於舉業若井蛙焉其學篤信朱子切  
已返求務有益於身心其虛心抑志不敢自是至耄  
年如一日所著於易書詩周禮儀禮禮記春秋四書  
均有發明統名惜陰錄當湖陸清獻書後一篇有曰  
袖繹徐子惜陰之義不覺惶然汗下遂書於其末以

誌仰止之義云云學案小識及先正事畧均有先生  
專傳武祥編江陰藝文志 國朝人著述首列先生  
書目焉

劉云青牧令子皆民大令恪詩人  
循吏亦卓然可傳足爲青山生色

一編史畧獨標奇樂府猶傳絕妙詞不解歸愚操選政  
別裁未錄定峯詩

沙張白字定峯精於史學著讀史大畧六十卷陳椒  
峯以爲未有之奇書又有定峯樂府十卷王漁洋曰

陶廬雜憶續詠

齋

樂府絕響久矣僕行江南僅見足下

惲云玉嬌未必無顏色其奈  
毛君下筆何此亦古今同慨

續可儀堂三十家河間還其選菁華詩名詎爲文名掩  
黎獻南邦儘足誇

蔡寅斗字芳三乾隆丁卯舉人官國子監助教選

本朝制藝三十家各冠以小序繼俞氏可儀堂百廿  
名家之後又借紀文達公選房行書菁華錄余 高

祖志達公文七篇沈尙書別裁云芳三工古今文及

駢儷韻語聞四方有才人必遠道走訪與之定交蓋以文章友生爲性命者也縣志云鄂文端公集七郡士會課春風亭芳三冠其曹文名大震後刻南邦黎獻集錄芳三詩文數十首

劉云時文著錄 四庫者惟 欽定四書文一種尙續開 四庫館或俞選百廿名家及蔡選 本朝三十家可以著錄乎

古寺南朝厯劫餘乾明廣福總成墟佛牙貝葉都灰燼何論黃羅飛白書

陶廬雜憶續詠

五

宋趙彥衛景安雲麓漫鈔卷二云僧楚祥有道行明州人也仁宗嘗召對留京師相國寺後乞南歸江陰人造寺以居之臨辭時仁宗賜御書十餘軸每軸兩字黃羅上飛白字大盈尺旁書云賜江陰軍華藏寺楚祥長老又賜佛牙一貝葉一今並存御書有爲前住持人竊取之者惜哉寺後賜名壽聖於乾道初改名廣福在乾明寺之旁乾明已廢予嘗言之於郡守向侯子豐向聞之朝併爲乾明廣福院今悉徙從乾

明基矣有泛海觀音像武祥按江陰志載廣福寺畧而不詳載方外亦無僧楚祥之名均宜據此補入

劉云曾文正謂金陵自六代以來梵宇琳宮震耀今古至洪揚之亂掃地剷除名蹟輒復不知更待何年吾於江陰廣福寺亦云

仙侶最難稽姓氏撰書立石考圖經江陰真宰詩堪證烟月茫茫瘞鶴銘

焦山瘞鶴銘撰書立石皆託於仙侶或以爲晉王羲之或以爲梁陶宏景或以爲唐王瓚顧況衆說紛紛

陶廬雜憶續詠

姜

均以華陽真逸撰上皇山樵人逸少書丹陽外仙尉

三者考之惟江陰真宰四字諸家均未之考上元程

嗣章南耕書張力臣瘞鶴銘辨後云皮日休先字逸

少後字襲美詩集內有悼鶴詩云卻向人間葬令威

此瘞鶴之證也陸魯望和之云更向芝田爲刻銘此

撰銘之證也是銘疑皮日休作以上見吳雲焦山志武祥按同

時和悼鶴詩尙有江陰魏璞不琢其句云風林月動

疑留魄沙島烟愁似蘊情又可爲一證不琢浮游烟

水日休贈以五貺詩倚卽江陰眞宰耶

劉云銘如果係皮日休作則江陰眞宰屬之魏不琢可以無疑未嫌穿鑿也

一卷阿羅宋代傳至今翰墨說奇緣何時逕訪白雲寺

閒與高僧證畫禪

平定張穆身齋詩集注云宋劉右宗十八尊者卷卞

春圃侍郎得之於壽陽崇福寺僧卷末題云余宣和

避亂流落江左無聊信步遂詣沿江尋幽偶住白雲

寺與高僧談佛法甚久喜而繪此十八尊者以謝車

陶廬雜憶續詠

七

輅院待詔劉右宗爵里無考惟宋鄧椿畫繼

第七卷屋木舟車門所載劉宗古其蹤跡畫法與此

略合而名則誤倒且訛右爲古李申耆先生云江陰

縣西青山其東南兩峯間有白雲庵志稱宋時建與

畫中所題沿江尋幽偶住白雲寺者合當係侍郎伯

祖北溟先生宰江陰時得此於縉流歸而佈施於崇

福寺者趙璧旣歸而侍郎節院又適在北溟所治之

區亦奇緣也武祥按養一齋文集有宋十八高眞卷

記與此注詳畧少異

李云揮塵而談風流絕

世往往近漁洋風格

羅漢堂空遍草萊摩挲殘碣剔蒼苔禪林此日求靈感  
猶說觀音泛海來

宋天聖元年觀音像泛海而至奉安壽聖院王孝竭  
記之庚申亂後禪寺均燬寺內尙存宋大觀三年孫  
冲撰并正書淵禪師塔像記政和元年孫沂撰孫弟  
正書壽聖院莊田記宣和六年王孝竭撰并行書壽

陶廬雜憶續詠

莫

聖院泛海靈感觀音記元延祐七年胡應青撰趙孟  
頰正書重建乾明廣福禪寺觀音殿記四碑又紹興  
四年羅漢名號僅存殘石爲邑人繆綬珊編修所藏  
劉云江陰金石就王象之輿地碑目攷之僅存季子  
墓碑今宋碑所存者建炎紹興復軍兩碑約計尙十  
種餘

覆盆孤墩舊蓄疑墓東東畔草離離十三村社荒蕪盡  
賸有珠珍塔記碑

墓東舊有十三村村曷以墓東名莫詳其義余謂其

地在盪墩之東墩實古墓也村旁社廟中有元元統二年乙亥珠珍塔記碑猶完好文曰大元國浙西道江陰州良信鄉墓東和眾里茅司徒大王界內云云前周鎮舊爲良信鄉此其一證

劉云凡金石著錄皆應至元代以其可資考證也

圓圓一曲記梅村可有金牛故蹟存豔說美人生長處興亡舊事怕重論

圓圓姓陳氏爲金牛里人金牛卽奔牛鎮在常郡西

陶廬雜憶續詠

堯

三十里余屢至其地無從指其舊蹟也

劉云古來美人大都關係興亡其時代不遠里居最近者惟圓圓此雖絕句而一唱三歎綽有餘音

鄉關懷古不勝情屈指曾無百里程宿霧漸收潮漸長

櫓枝搖過呂蒙城

自奔牛至呂城二十里爲丹陽縣境

葉云君在粵有殘月漸低風露冷櫓枝搖過石門來之句與此同一清妙此復暗用白衣搖櫓故事尤爲

切

矯矯桓侯負盛名何堪半壁壞長城至今萃秀橋邊水



東去猶聞嗚咽聲

由呂城至丹陽城四十里咸豐十年金陵大營潰張忠武公國樑退至丹陽躍馬入葦秀橋下

俗名尹公橋

死

之上諭有云數載以來東南半壁倚爲長城又云使張國樑尙在蘇常一帶何至糜爛若此今吳人言昔年保障之功與向忠武並稱焉

劉云昔有哀江南詩云九重痛惜長城壞一柱傾頽大局空野戰岳飛當勁敵絕援楊業抱孤忠卽詠張忠武事也

陶庵雜憶續詠

李

名蹟江南莫浪猜辛塘遺廟亦蒿萊不須博浪椎同借且飲新豐酒一杯

自丹陽至新豐二十里爲丹徒縣境陸游記曰李太白詩南國新豐酒東山小妓歌又唐人詩再入新豐市猶聞舊酒香皆謂此非長安之新豐也一作辛豐有辛王廟宋紹興七年立丹徒志楊大成記畧曰韓國趙侯辛君諱翼字大鵬灌陽人也避秦入閩以家財求客爲韓報仇後居毘陵葬辛塘之南至隋立祠

於南岡之東宋眞宗始封王號紹興七年遷祀於此  
云云是又一張子房惜未聞博浪椎耳

劉云奔牛至新豐百里而近奔牛酒得名較後而爲  
世所警新豐酒恐亦今不如古矣辛君事知者蓋鮮  
得此亦  
足表微

北固金焦好放船中冷南畔幾流連故鄉名勝推京口

### 第一江山第一泉

癸巳秋兒子赴試白下余送之至鎮江游北固山上

摩雲亭登多景樓石帆樓皆近年重建而壁間舊刻

陶廬雜憶續詠

全

吳据天下第一江山六大字

舊爲梁武帝書

筆勢相稱越日

游金山復下山南行過渡里許游新矧中冷泉亭回

廊高閣兩橋通焉揚子江心水爲天下第一泉本在

江中數十年來沙漲成洲近因劃沙分畝始見泉眼

遂濬一池以石圍之縱橫方數丈憑欄而玩臧沸四

溢得此亭益足增勝矣京口山水之勝皆軒豁呈露

此在西南隅獨闢幽境江堤環匝風帆隱見品泉閒

話別有超然塵俗之想兒子當口占是詩尙能紀實

偶憶及之爲記於此

劉云此斜川集之繼聲也

莫愁湖畔採蓮歌五載秦淮韻事多惆悵白門新柳記  
倡條冶葉近如何

庚午至甲戌往來秦淮時薛慰農觀察主講惜陰書

院趙敬甫許少玉兩太守均僑寓於此畫舫笙歌時

有雅集白門新柳記卽作於是時余亦題詩卷端焉

劉云藤香館題大稿有云掩關讀君詩語語出我意思見當年聯詠之盛新柳一編同人寄興廿年回首

陶廬雜憶續詠

空

桓司馬能無泣然

回憶田園徑欲蕪舊游鴻雪漸模糊都應寫入丹青裏

百首新詩百幅圖

前雜憶詩卽題一斤山人村居圖今擬分繪百幅各

題一詩尤足爲陶廬生色也

葉云近傳鴻雪因緣圖當遜此清雅

